

宜春縣志卷五

山川志

茫茫禹跡畫爲九州名山大川各有攸屬袁居江右上游其地山高水清爲流爲峙融結特奇宜春附郡郭登高一覽則羣峰環繞江水縈帶扶輿清淑之氣人文藉以鍾毓志山川

袁山在縣北五里峰巒秀拔昔高士袁京隱居於下卒葬其側故名袁山後乃因山取名袁州此名大袁山傍西爲小袁山兩山相對唐人詩袁山大小雙螺並秀水東西一帶橫

坤長山在城西南七里山自坤方來連亘甚遠因名是山  
關係袁城一郡來脈凡公署休咎民居禍福其應如響  
以地形逼近故也入城處多石骨狡者燒灰取利坑傷  
甚深道光二年闔邑紳士呈請示禁勒碑以全風水  
半邊山在城南八里與坤長山接壤山形半面壁立數十  
丈峭拔峻秀文人頗多題咏

震山在城東十五里亦名馬鞍山下有巖幽深險僻唐彭  
構雲隱釣於此寶應中徵召不就郡守嘉其行名其鄉  
曰詔君鄉巖曰詔君釣臺盧肇有震山巖記

湖岡山在城南十五里卽湖岡臺晉鄧表故宅山頂有煉  
丹臺養丹池朝斗石

南峰山在城西十五里孤高峭拔頂有寺倒影澄江如鏡  
中圖畫山腰有石洞似獸張口銜巨石名老虎口下臨  
深潭一魚如舟大羣魚旋繞歲一二見夜深火從潭起  
直上山寺江中鄧公石因鄧表名卽方高四五丈廣倍  
之上有亭今圯

鵬山在城東二十里高百丈周回二十里  
小卽山在城南三十里晉鄧表修煉於此又號鄧表峰上  
有星壇石白藥竈又名水晶山宋州守蕭炳詩萬丈青  
山插碧天真人煉藥石依然

宜春縣志 卷五  
按鄧表峰今名鄧尖峰

書堂山在城西南三十里犖溪唐盧肇讀書於此

石屋山在城北三十餘里洞深百餘丈有石柱石鐘石鼓  
橫江山在城西南三十里爲郡脈脊隆隆突起綿亘五里  
接鄧表峰與仰並峙竹樹青葱多怪石有龍門石夾立  
如門棋盤石平如砥隱分界道赳然石距岡巔傳爲仙  
人布置

蟠龍山在城南四十里自麓至頂凡三十六曲上有蟠龍  
寺唐末南平王鍾傳建四面峭壁瀑湍飛瀉前有龍門  
關平挹雲峰誠勝境也王雲詩經夏地無暑未寒泉有

冰蓋紀實云

獅顧山在城東南四十里集雲鄉原有古刹康熙十九年  
僧閔雲創建棲雲禪院

緇鐘山在城北五十五里槎溪蒲山皆石如仙佛如獅象  
如旗戟濱河處石開宏厰若大廳上面平如蓋板中懸  
一石似鐘扣之有聲鐘乳常流

石門山在城東南六十里石峭如壁中通小徑又南十里  
爲木平山

老山在城西南六十里崇高峻拔山巔瀑流最大郡八景  
之一雲谷飛瀑卽此流爲清瀝江北入秀江下有鷄嘴

峰非內山雲托不見見則大雨

寶山在城北六十里世傳肅禪師過其山遇訟者勸之云  
欲出輪迴道先回自己心訟者以此言爲寶因名

大岡山在城南六十餘里界連分宜安福左有銀礦洞山  
腰右有潭潭上石壁峭立瀑布從巖瀉下遇歲旱居民  
禱雨輒應相傳潭有伏龍云

木平山在城南七十里三峰峻拔郡守王祐禱雨有應遂  
名其中峰曰妙慶左曰瑞光右曰慈雲又有興化禪寺  
寺中有飼龍亭嘯月亭景物清絕不減仰山宋李冲元  
詩窄逕隨溪轉懸巖帶蘚斑可想見其邱壑

太平山在城西南一百里修仁鄉因定空禪師將赴南嶽  
道經袁州夜夢老人指此峯頂曰天下太平山適

國朝定鼎是山陰霧頓開日星朗耀卽以太平名之綿亘  
二十餘里極高峻東有雷打石暨走砂瑞慶塔中巖二  
王試劍石西有仁澤江楓樹陰獅子巖四傘樹松巖百  
步迥南有虎皮江下烏雲巖北有中山下江香水分水  
迥中惟此字巖距十里路遙望之尤肖洵爲邑中勝境  
邑人陳之龍有記

書寶山在城西一百二十里薦裏鄉快畝一名書寶臺屬  
片六崙衆山高八十餘丈山頂平圓有十餘丈寬中有

石類楸枰卽鍾牧童遇仙處

弓山在城北五十里因形如弓故名

源頭山在城北六十里內有洞通十餘里奇形怪狀無所  
不有較本邑石乳分宜洪陽二洞尤佳惜路不當孔道  
罕有知者

烏山在城北東七十里又名烏紗嶺接連數障皆高峻中  
計一十七埭三十六坡層巒疊岫礧石嶙峋右山峯頂  
橫塘建有文筆峯

天馬山在城北東七十里橫塘

馬鞍山有三一在下浦一在沙江一在上坵

望鳳山在城西北七十里周回六十里高三里中有一峯  
如鳳因名

玉京山在城南七十五里唐家山東一峯聳峙相傳桃石  
仙人煉丹於此屢顯神異居人楊姓因建菴以祀菴左  
側一巨石下有洞空闊若堂中有二小洞左則寒風淒  
冽右則暖氣薰蒸一處而寒暖迥異名曰風火洞卽仙  
人煉丹處也分宜進士嚴秉璉曾遊其地有句云燒丹  
尙覺三冬暖鼓橐偏教六月寒

仰山在城南八十里爲府之鎮山周廻數百里高聳萬仞  
可仰不可登因名絕頂名集雲峯入夏雲氣冒其巔則

兩立至冬微陰即停雪山下有唐鄭谷讀書處太平興  
國禪寺及二神廟小釋迦塔此山有水分流會於正廟  
天台山在城西九十里薦裏鄉一名大嶺多蘭花幽香滿  
谷山嶺可望袁城上有寺相傳朱鄧二神自空中飛來  
春夏之交雷神掃寺禱雨輒應

喝斷山在城北一百二十里詳阨塞

楊歧山在城西一百二十五里高聳雲霄根蟠宜萍二縣  
周廻百餘里山左屬宜山右屬萍西有千丈路東有千  
坵田萬杉窩仙跡相傳十八羅漢一夕幻成頂有石天  
池廣數畝每夜半氣衝星漢中多石洞仙橋石臺尤勝

夏雲起雨立至冬稍陰雨峰頂積雪皓然

羊角峰在城東十里雙聳如羊角一名雙箭峯

聳翠峯在城西三十里峻壁孤峙唐盧肇有詩

猫峯在城西北一百里魯溪界峯半巨石望類蹲猫俗呼

猫尖將雨雲起其巔片時飛雨如足練則村落霑足

神岡嶺在城南門內凡祀卮山神皆繇此因以神名

按通志云在府治南八十步

江北嶺在袁山門外秀江北

黃牛嶺在秀江之北自化成巖來數里形勢如牛因名

社壇嶺在城西門外街北一里因有社稷壇故名岡巒平

衍中多古塚壇基下有萬福古寺

王坡嶺在城西四里舊傳有王者葬此一曰王坡

花冠嶺在城西五里近化成巖

曹家嶺在城東五里

獅子嶺在城南五里草木鬱茂形狀如獅因名近有猴兒洞

銅釘嶺在城西南五里耆舊相傳本長沙溫氏墓宋初削平僭偽因鎔銅灌其頂故名

按此嶺與坤長山相連非另又一山

金鐘嶺在城西南十五里

銀瓶嶺在城東二十里其地名下浦奇石峭削如餅頂有寺四面懸崖一鳥道延緣而上僅堪容履古樹鬱蟠秋時青紅輝映讀書寺中覺風露蒼涼如坐上界仙區俗塵飛不到也

龍髻嶺在城西南三十里

白鶴嶺在城西三十里

袁州嶺在城北東八十里近末山其嶺至分水界外屬上高界內俱屬宜春故名

嚴嶺在城北五十里山勢峭拔自下而上有小徑十八折頂名仰公山下有小谿溉田甚廣

石嶺在城北東七十里橫塘其地田產磽薄藉是山石燒灰壅肥上供國課袁姓利賴不淺

雞冠嶺在城北東七十里橫塘爲袁姓居址來脈

牛嶺在城北東七十五里橫塘形如牛故名與雞冠鳥山

石嶺雲障及下湖泉岡鳳嶺月嶺相望

雲障嶺在城北東七十五里橫塘極高峻中有張恭人墳橫一支出大石腦抵分宜界

五虎嶺在城北六十里以五嶺相連形勢如虎踞因名

仙女嶺在城西南六十里下爲宋成恭皇后所居清瀝江流於其側

澗宮嶺在城南六十里詳阨塞

分水嶺在城東南六十里詳阨塞

大將嶺在城西北九十餘里詳阨塞

舉子岡在城北東七十里舉岡岡南屬上高西北屬宜春按上高志載在縣西千春北鄉昔易重居之發科登進士第故名恐悞易氏乘載居洪岡

萬勝岡在城東五里詳阨塞

天紫岡在城西北五十里

化成巖在城西北五里下瞰秀江舊名化成臺僧屋其上名開花院巖內有石佛唐李衛公德裕嘗讀書於此後



因爲祠宋紹興中郡守陳述建亭曰仰止曰振鷺軒曰倚巖曰翠靄郡守王古於絕頂建浮圖又建妙峯亭慶元中郡守李訖因葺李公祠仍妙峯址創亭曰妙高易仰止爲容安又有亭曰覽勝曰漱石曰嵌空寶慶初郡守趙籤夫於巖腰創亭曰知李後郡守曹叔遠又旁滌奇石創亭曰介休爲贊勒石巖下有鄭氏北墅衛公舊祠以祀元鎮守萬戶那海刻公像於石構祠仍扁曰知李寺東建亭曰如畫亭其西舊有屋三楹明嘉靖己未知府季德甫建扁曰化成軒軒左祠李公同知曹光記萬歷五年知府鄭惇典復修增總門扁曰化成巖戊午知府黃鳴喬復構樓一座度僧守之暇日率僚吏登臨吟嘯督學使黃汝亨題曰托賦樓以衛公讀書此中曾作有十五賦也其巖之東爲語石亭康熙二年守道施閏章建石壁對峙謂石可共語也詩記俱見藝文西有青蓮洞小穴丈許虛明可愛舊扁署雲谷歲久不存施閏章愛其狀如青蓮花半開更今名

天龍巖在城北一百四十里距慈化寺四十里爲普菴祖師禪定之地洞幽邃跏趺坐石上臀膝陷寸許母往視之作禮起首戴石上成腦頂形髮痕宛然

玉谿洞在東城外半里許郡人李觀夢符居之自號玉谿

宜春縣志 卷五  
叟洞今塞

石窟洞在城東北五里雷潭菴側舊傳龍神潛於此今石有龍爪跡

正陽洞在城南七里坤長山之側卽粟坑巖深濶三十丈洞凡三進初入如船篷有牛肝馬肺石將入二洞上作園窩狀如鐘空稍狹而暗非火炬不能入憇少許仰望有光如星折而右升階數級有小口僅容一人鞠躬入旣而宏厰明豁石乳流結爲觀音爲涼傘爲旗爲碗千態萬狀潔白可愛上有竅若天牕直通巖頂可攀援而出

石乳洞在城東四十里深一里許滴乳堅凝成觀音羅漢像人或遊宴其中殺核狼藉經宿如掃宋教授鄭王賓鐫石記其事

按前志引寰宇記宜春有石室山洞數穴相連高十餘丈素壁如雪卽此洞也第查石室有三安成記郡有石室中有素石數斛狀如雀頭甘潤虛脆廣輿記石室在萍鄉數室相連石壁如雪高十餘丈殷斌袁州石室記第三室高十餘丈者粗相似皆素壁如雪萬象森羅似與鄭王賓石乳洞記不同惟類函統言袁州石室所載形象則合郡邑志所載石乳洞寰宇記所載宜春石室

並爲一事抑或石洞皆可以石室統名之耶

漠塘洞在城北六十里初入澗可數丈有潭水流洞外繼入小洞漸遠一竇通明地名帶塘距漠塘已二十餘里流去莫知所鄉鄉人嘗避寇於此

風火洞在城西九十里江東二洞如鼻觀相距數尺左爲風洞深不可測人立洞口風聲颯颯內有水每春三月水漲小魚流出紅白間色土人謂之桃花魚洞前多田塞其竅則禾稼袖白右爲火洞較淺近之氣燉燉蒸人曲泉洞在城西一百二十里地名環溪上洞在山腰峭壁下闢二室明潔可容五六筵飲中洞受羣山水穿里許

忽開豁見天廣數畝遊者舉火溯流入洞見龍田龍潭龍井空曠處高不見頂兩旁雲屯雪積皆石乳結成下洞水聲潺潺曲折行四五里出荷花潭內有鐘鼓旌旗諸狀

四基洞在城北東八十里其洞基甚廣界上高宜春分宜萬載四邑之間故名明一統志作四溪洞

響石在城南五里獅子嶺後聲傳響答因名

蝦蟆石有二一在城北五里崇勝寺側大路傍一在城西北六里許瓦江中流石畔江水深碧莫測其底

龍頭石在城北五十五里槎溪石門嶺形如龍頭角口鼻

宜和縣志卷之五  
森然龍身下有五石撐住

雞冠石在城北東五十里善和鄉形如雞冠因名

五星伴月石在城南六十里地名桃溪江

紗帽石在桃溪水口

道士石在桃溪西山右有黃公金頂左有武華仙山

金星石在桃溪上

石穴在城西北六十里燕州神廟一穴清流入內可行三

十里見水竹叢莫知其原

獅子石在城西一百一十里中溪石昂首張口如後猊作

威石紋層折若旋毛寺倚巖前閣以松竹宛然圖畫

秀江在城北門外源發萍鄉羅霄山流經城西十五里合

稠江水至城北澄清深碧因名下經分宜過新喻至臨

江府而合於大江

清瀝江在城西南六十里源出老山山頂有瀑數派一派

瀉山下爲此江過鞏溪又過了山分二派一派爲官陂

水一爲古江又分二派一爲司谿江一爲新江會爲麟

橋江入於秀江

按麟橋江今在城西五里古江舊旁山澗今爲田司谿

江在城西五里一名沙陂江新江在城西五里

龍門江在城西一百二十里薦裏鄉兩山對峙若門山腰

二石洞噴泉清冽名大小龍潭溉田甚衆每歲夏將大雨先有濁流湧溢俗名神龍洗洞水經滄江嶺有瀑布泉二道

仰山水在城南六十里源發三鑊潭北入獺逕潭過仰山迤邐東流出浦村入秀江

夢水在城東八十五里寰宇記云昔鍾儀於此村欲立縣遇夜乞夢果符所祝名曰思縣因以名水

按鍾儀卽左傳所云南冠而縶者通志亦載此水在府東八十里源流無考分宜雜志云嘉靖府志亦錄此說而以爲在府東八十五里未詳其義今按宜春東境宋時割置分宜以里計之此水當在分宜近城上下水次但云因鍾儀乞夢而名似涉附會

九曲水在城西南發源鄧尖峯歷明村經山口諸境潑紆九折至下浦入秀江

避賢谿在堵田佛山正祠前自佛山徙廟於此因名見丞相張商英廟記

鸞谿在城北六十里下流入秀江相傳吳綵鸞與文簫游此谿傍有簫史臺

按簫史與文簫爲二人時代懸殊此載爲一人恐誤且史好吹簫乃稱簫仙文簫之簫亦作簫府志均作蕭誤

宜春縣志 卷五 山川 卽通志簫蕭互載亦誤前志因府志今正之

雷潭在城東北五里秀水至此成潭舊傳有龍潛於此上有峭壁石罅龍鱗印苔成痕潭邊有寺陸經詩蛟龍會此盤白晝起霹靂今時改為多寶菴傍石亦名釣魚臺竹木陰森稱勝境

石牛潭在城西五十里江流中有石牛又有繫牛石柱飛劍潭在城西七十里舊傳唐王將軍坐潭石上墜劍入潭今石上劍痕尙存

雪谷潭在仰山上水極冷盛夏不可濯張嗣古詩白龍怒吼掛絕壁蒼兕離立迎清波

獺巡潭在城南八十里仰山之上泓渟澄深舊志云仰山神龍之所宅也

靈泉在縣治西上有寺舊傳泉日兩涌與海潮通後人滌漑其中遂止又云中有比目魚是邦文物盛乃見萬歷中知府鄭惇典寺前甃牆禁人污穢魚復出是歲應鄉舉者二人明年中進士者亦二人

按郡邑前志既載靈泉在縣治西又載宜春泉在縣西四里且云唐地志云宜春泉醞酒入貢蓋指此或謂靈泉卽宜春泉又引郡守李景夏靈泉記泉宜作酒見於吳錄晉記而泉已失所在不可復尋以靈泉醞酒出於

近世是宜春泉與靈泉異焉並謂圖經載宜春泉在縣西四里靈泉距縣亦四里則靈泉卽宜春泉李或失考據今兩存之其實所云究形髣髴卽晉張勃吳錄宜春泉水地道記宜春縣有美酒隨歲舉上貢廣輿記宜春府城西一名靈泉其水甘冽可作酒亦屬統詞攷縣治隋以前在縣治東城內大業三年移於州之東七里宋紹興徙於城內善政坊明洪武三年遷於府治北開元寺廢基卽今治是宜春泉就隋以前之縣治言之恰在縣西四里第圖經不察悞以後改宜春泉名之靈泉與宜春泉歧而爲二且就洪武以後之縣治疑之無怪紛紛其說益不明耳

珠泉舊名湧坑泉在城南門外甃爲池方廣丈餘平地湧出如珍珠粒粒故易今名漑田甚廣明萬歷丙申推官徐之孟臨流憇賞泉上築臺下爲樓東西連簷接棟與宜春臺相望萬歷己未知府黃鳴喬重修於樓前置屋軒豁深窅爲宜巨觀崇禎末燬 國朝順治庚子知府胡希聖偕協鎮許壯猷暨廳縣捐俸重建乾隆間於池上建亭名觀我今亦毀

甘泉在城北十五里山竇中流出味甚甘冽唐咸通二年僧道光築室爲甘泉院宋嘉祐中僧智汪建二堂郡守

李觀爲之記

溫泉在城西南三十里修仁鄉溫湯里定光寺前氣溫如湯冬可浴以鷄卵投之卽熟泉凡三出一在東岸上僧人甃爲池一湧出江心巨石中石類釜上寬五六尺許平坦可坐遊者多飲此以爲樂一在西岸下題詠載藝文

海泉在城北三十里灌田萬餘畝

叔季泉在仰山院之左傍有龍淵亭或傳徐璠扣石橋謁二神之所

鳴玉池在府治內之西唐刺史張公翊後改爲疏泉爲疏

西陂之水至於此

防虞池在府治西北與郡倉相距數十步舊爲民居冒占宋紹興三十一年郡守李觀復取歸官歲久淹塞寶慶三年郡守曹叔遠旣復李渠并浚此泉以濟渠之不及菱池在府治東南委巷中有菱獨茂因名

放生池舊有靈泉池及清水池今以北城外秀江爲之禁捕魚五里

西池在城西外唐乾元中刺史鄭審開池上有故城潭木

瓜島薔薇洲楊柳堤青田壇石橋灣釣磯今毀

蚪塘在城西北四里舊傳有蚪龍螫其中因名



雷塘在城東北七里初開雷震因名歲旱禱雨輒應韓昌黎有雷塘禱雨文

蜈蚣塘在城西四十里其下有山曰魑牙塢曰茅冲曰大冲塢曰落城曰中櫟曰野豬窩曰蕨石坑曰張公冲曰龍源曰西巖嶺曰水口社山迤邐以至於稠江其山俱在化南鄉蜿蜒綿亘山下民居鱗集稅田萬頃明萬歷十二年因掘煤有害地方煤水壞禾稼田多荒蕪居民控院司道府勒石封禁嗣後屢奉上憲嚴禁掘煤闔鄉賴以生全云

石湖在城西十五里湖傍平疇曠衍中忽聳一石峯高二十餘丈傍無依附如筍出地與鄧公石對峙爲上流鎖鑰

砲沙河一名砲石河在府治東南一百五十步河內有石若砲今淤塞

牛欄峽在城東二十五里左金鷄山右銀餅嶺相對若欄羣峰疊聚形家號爲十八美女觀蓮

盧洲在城東二里以盧肇曾讀書於此得名歷植喬林以助風水明萬歷六年知府鄭惇典因久據於民間力爲清復還官歲徵土租銀一兩四錢五分仍種樹其間乙卯歲郡紳袁業泗等以此洲關塞水口自府同知李瀚

通判毛文煇創建三元殿規模宏壯屹立中流知府黃  
鳴喬復於殿後建閣顯祀鄉賢盧肇一表先賢舊地一  
示後學向慕督學使黃汝亨扁閣曰文標

國朝康熙甲戌袁臨副將康共倡捐修葺歲久殿閣就圯  
乾隆二十一年僧文鑑募捐修建二十四年郡守陳廷  
枚同知楊應璠知縣郭人傑查復古蹟仍題文標舊名  
額狀元洲石刻於門首同知楊應璠記

按嘉定志山川有笏山在州東十里了山在州西十里  
有寺將嶺在州西百餘里上有黃王寨石桑嶺在州北  
五十里地多怪石有石門自石門登嶺高百餘丈昔有

十數民家居其下灑嶺在州西北四十里分女嶺在州  
西北六十里佛子嶺在州南五里斫岡嶺在州西北四  
十里桐木嶺在州東五里望城嶺在州東三十里石笋  
峯在州東南七十里逢岡在州南三十里十里岡在州  
西十里甘泉山在州北二十里高一里出甘泉師姑山  
在州南三十里下舊有尼寺父老相傳仰山神正殿李  
妃嘗於此屍解今基猶存將軍山在州西百里外周回  
四十里高三里世傳漢武帝時將軍易洗領兵至山遇  
疾卒因葬焉故名南源嶺在縣城東南四十里長嶺在  
州西南六十里嶺上下各七里故名石梯嶺在州南三

十里南源嶺在州西四十里嶺凡五故俗稱南源五嶺  
 四望嶺在州西南七里高可四望灰子嶺在州東南五  
 里黃岡尖在州西南二十里稠江在州西十五里入秀  
 江賴家潭在州北五里鵝公潭在州東七里亦曰何公  
 潭宜春潭即坐石潭在州東五里渥潭即渥江在州北  
 十餘里其水深渥故名清水池在舊開元寺西長三十  
 餘丈水深而清冬夏不竭南水在州南仰山祠之前其  
 水淵源延袤百里東流至新淦人湖漢布水潭三獲潭  
 織女潭皆在仰山歲旱即潭請禱甘雨隨至成化巖潭  
 在州西北三里百危亭之下賴家潭在州東七里平原

上有廟與碑遇旱禱雨即應石館潭在州東五里淨妙  
 寺後或云與賴家潭相通小龍潭在州西北五十里江  
 流中上有廟曰石潭本然泉在仰山太平興國禪院中  
 木平山泉在本山興化禪院之左下井在州北城外一  
 里至道三年成化巖僧所砌方濶四五尺深二三尺雖  
 旱不竭泉井在州南城門外冬夏不涸盧狀元洗硯池  
 在秀江北地名盧城池產龜小而綠毛每出則邦之文  
 物必盛昔年有十數遊於池未幾朝廷行舍法與計偕  
 者多取高第又見古蹟門澄源池在州治內唐乾德二  
 年郡守呂延貞鑿方沼命名以此謂為政當澄弊源也

明以後府縣志俱未載今補附於此

附錄城內泡沙河一帶城外坤長山一帶二處來脈嚴  
禁挖害二示

宜春縣正堂龔為公請嚴禁以杜後害事案奉署府黎檄  
據宜分萍萬四縣生員王文燧黃寅李熙續聞之球等具  
稟郡城內西南一帶俱關

風子官署來脈曾經嚴禁挖害第恐日久玩生請再示禁等  
情飭卽查明該處一帶地方毋許居民開挖以固來脈等  
因到縣奉此合行出示仰該地居民人等知悉郡城內西  
南一帶泡沙河桃花園茶園嶺等處俱係郡城來脈爾等  
嗣後不得在于該處豎屋挖塘墾土種蔗故意傷害自示

之後如敢故違許該地保等立即指名稟縣以憑拿究斷不稍寬該地保亦不得藉有此示混行阻擾致干併究各宜凜遵毋違特示嘉慶十三年三月十八日示勒石府學前魁星閣下大街

宜春縣正堂程據舉人黃邦達等稟稱袁郡來脈自小仰山作少祖星峯聳拔行三十里爲坤長山卽俗呼屏風山穿田過峽突起高峰入城今被王魁文王能文楊學峻郭忠林鍾德旺等挖鑿燒窰致居民莫能安生稟明府學師移送案下沐賞親勘有碍來脈屬實沐訊枷責押令拆厰下山取遵具結在案惟恐日久玩生故智復萌合應公懇

終恩賞示嚴禁以垂久遠等情到縣據此除稟批示外合行出示仰閭邑居民人等知悉嗣後如有不法之徒在于郡脈坤長山一帶要處豎棚開窰挖石燒灰許該地保諸民人等立即指名稟縣以憑拏究斷不稍寬各宜凜遵毋違特示道光二年六月十一日示勒石三兩立坤長山一立府學前魁星閣下大街

府縣案內嚴禁二示

宜春縣正堂陳爲滅禁強挖頒救來脈事據生員張紳魏國相等詞稱袁郡城內西南一帶來脈實爲官署學宮士風民命攸關歷來培護無傷地靈人傑後被不法棍徒強

行取土種麻挖成深坑致傷元氣生齒凋耗人文寥落已前合邑士民呈稟府縣荷蒙委勘責懲歷有嚴禁告示押令填滿改種別苗在案以故十餘年來棍黨知懲來脈無虞官署榮陞士民安堵不料邇年又遭一黨異棍金子龍胡端生等止圖蠅頭小利不顧來脈重大罔視前禁任意開挖不惟取土成坑且多掘糞窖深至丈許大傷地脈官民受害

聖

廟不安士風不振生等目擊心酸難甘緘口爲此粘呈前官長禁示公籲仁廉俯念合郡生靈趨茲冬月麻收賞准親勘凡遇城內強種麻之處押令棍黨填坑改種別苗取

具道依勒石永禁以全來脈以培根本合郡頂祝切稟等情到縣據此除卽親詣查勘當經拏獲強挖人等訊明責懲押取不敢再犯遵依存案外合行出示嚴禁爲此示仰該地保甲居民人等知悉嗣後倘有不法棍徒敢于西南二門一帶來脈處所任意開挖栽麻者該地保甲人等立卽扭稟本縣以憑嚴拏重究斷不寬恕各宜凜遵毋違特示乾隆十三年十二月初五日示

宜春縣正堂郭爲嚴禁強挖傷脈以培地靈以固金湯事照得郡城西南一帶來脈實爲官署學宮士風民命賴以鍾靈歷來培護後有無知棍徒種麻取土剝削元氣據各

士民呈稟究懲取遵示禁各在案茲據生員黃大華張紳  
民人魏仲仕饒旭文等爲恃蠻強挖違禁傷脈賞勘究懲  
事具稟前來詞稱袁郡西南一帶爲合郡來脈要地實係  
官署學宮士風民命攸關歷來培護無傷後被不法棍徒  
強行取土挖傷地脈剝削元氣以致生齒凋耗人文寥落  
已前合邑士民具稟府縣荷蒙親勘責懲立有示禁取具  
各棍遵依在案去歲慘遭異蠻鍾宗周等在于城南過脈  
要處鑿山平基豎造公館閒屋恃衆強挖大傷來脈止圖  
壯已之觀瞻不顧滿城之生靈生等目擊心酸公彈伊非  
惡等自知罪戾情願填補醮謝詎惡口是心非不惟不加

培補今春復行在於傷處挖進數丈現出過脈長石每日  
又在西城脚下挖挑黃土地脈被災城垣受害不頒法究  
官民不安爲此情急粘呈歷憲禁示公叩仁廉俯念官署  
學宮一郡生靈遭惡毒害賞准親勘豎法究懲押取不敢  
再犯遵依出示嚴禁合郡頂祝激切上稟等情到縣據此  
查城南過脈要處如泡沙河茶園嶺等處俱屬地脈不容  
鑿山平基造作閒屋其西南一帶又屬官署文廟來脈且  
經城垣新修尤須保固何得在城腳附近挖取黃土種種  
爲害除經詣勘訊斷令將後棟折毀填坑醮謝從寬取遵  
在案外合再申禁爲此示仰該地保軍民人等知悉嗣後

西南一帶來脈處所槩行嚴禁不許挖掘傷害及恃強取  
 土有損城脚如敢故違許該地保民人等立即指名稟報  
 以憑嚴處倘保隣狗隱不報一經察出定即并拏究治決  
 不寬貸凜之慎之毋違特示乾隆二十七年二月十四日  
 示

宜春縣志卷六

水利志

貴粟重農經營畎澮此王政之本也宜邑與江湖遠少  
 巨浸然崇山峻嶺多出清泉瀦洩隄防藉備旱潦則陂  
 池之設貴豫重民事者濬渠灌田之惠沒世不忘矣志  
 水利

前後漢書地理志云宜春縣南水東至新淦入湖鄴道元  
 水經注云率水西出宜春縣東經吳平縣其源出袁州萍  
 鄉之瀘谿合小臯水經袁州是曰袁水隋地志名秀水朱  
 謀埭水經注箋率水出宜春縣東逕新淦注豫章郡攷袁



州之秀江東流別無他水所云牽水者疑即南水亦即瀘谿水不可因名異而強分之也江西通志所載袁江秀水不無錯悞茲特從諸書攷正秀水發源萍鄉羅霄山六十里至瀘谿名瀘谿水始通舟楫左合萍鄉縣東亂石嶺右出東行之水歷二十五里至宣風鎮納羅霄山右出泥源京口水又二十五里為本邑新市街左為北河納石裏薦裏等鄉之鸞谿水其水滙二流一自飛劍潭繞州橋來一自新居市來合於兩江橋過曉塘至西村合流而入右納螺江水流自萍邑九疑山各坑至城西二十五里納流自金瑞上滙化北石外等鄉之稠江水而入抵水汊合了山

流入之麟橋水其水上合三流一自老山經劉家坊賈溪名清瀝江一自溫泉經大埭上長豐樟木一自仙源經鞏溪下鞏皆會了山而入至袁城北關因其水源流澄清深碧乃名秀水下達狀元洲屹砥中流旋分而合右納城南二里之珠泉水歷二十里為下浦納流最多一納城南六里之仰山水發源於三鑊潭歷獺徑潭東流出梅洲絳橋諸境一納九曲水源出鄧尖峰澗洄凡三十里歷明村九轉曲折合仰山南廟水出郵橋至下浦廣潤橋又納廝陂水源出澗富嶺歷黃源路口出新坊至下浦長橋而入其水甚大又二十里至渥江北納三陽橋楓林水又二十

里至分宜楊潭左納楊江水其水上滙二流左自分宜琴山背上及紐村會白水一支合分宜楊橋貫江南山嶽塘朱陂及本邑橫塘諸水右自琴山前納本邑漠塘洞水出分宜新安會本邑栗村分宜權陂諸水而入又十里轉本邑彬江南滙本邑南源水至赤橋而入出江斜爲分宜界歷昌山鐘山二峽爲袁河東流至臨江合贛州水歸章江省會經鄱陽湖入大江此秀水之大概也其別流不入秀水者東流三支一由乾陀嶺爲石曹坑水一由清溪嶺下爲真遊洞側澗溪水俱出上高一由河陂嶺會慈化諸境水出萬邑株樹潭俱入瑞河至豐城與袁贛大河合六十里至省城南流二支一自本邑達郭山爲郭水一自本邑桑田東麓爲智溪水俱出安福入贛河至臨江樟樹上與袁河合西流二支一發源本邑楊岐山出萍鄉蕉坑經白家源龍門江滄江嶺納本邑中溪霞垣滄下水出萍鄉宮江達湘東而入湖南淶口一自本邑滄頭上洞雙流合於小洞烏陂入萍鄉界亦入淶口所難解者南永牽水之名不同卽所云小臯水亦不知其何指注云經袁州則其水明在郡城之上攷郡城上游支流稍大者僅萍鄉亂石嶺東行宣風市右入及本邑北河稠江清瀝江五水中惟北河稠江較大不解通志郡邑志不載明此水何故然此特

其道而非利不知利從道出道疏而利之沾濟益大匪特沙淺流清可穩舟楫可資貨賄也至於各鄉陂塘凡有利於民者例應共著於篇已前陂凡九百五塘凡二百七十三約計溉田二千四百六十七頃今照通志郡志及本邑前志所載明陂堰坵塘共存四百二十有三

詔仁鄉徐家坊塘楊羅佈塘

欽賢里

滑陂龍板陂

大安里一畝

末陂后陂鄭陂

二畝

窰壩腦陂均陂合掌坑塘

茂材里

長河陂檣塘

合興里

黃土陂

欽名里一畝

中洲陂石陂陳田陂

二畝

良陂塔下塘

徑化里

白沙陂中洲橋下陂

湖岡里

按府縣前志仍分詔恩仁孝為二鄉今奉 制裁並為一第欽名徑化湖岡三里四畝之名亦裁其陂塘仍照府志錄之以俟考

歸化鄉增陂桐車陂栗源塘

湖溪里一畝

秧陂

二畝

彬陂羅家陂

三畝

石虎陂梅田陂

正平里一畝

梅陂白竹陂山心陂

二畝

張舟陂新陂梅塘官塘

宣化里一畝

上黃陂規陂賽力陂黃

潭陂

二畝

廝陂戚陂鄭陂宋陂溝陂洪徑里

源頭陂大康里

化南鄉都陂新車陂下賽陂大陂善東里一畝雙塘陂廣機塘

泉塘二畝湖家車陂湖墻陂石車陂田段陂楊坊陂龍源

塘白湖塘朱家源塘楊塘荒塘三畝

龍塘陂小源塘逆蔭塘鄒家塘百戶塘南東里一畝

蔭馬塘諫山塘小源塘長坑塘南塘南西里

易家車陂高車陂翁家車陂謝家陂顏家車陂石湖塘

溉學田民田甚廣樟木塘石湖坑塘貴東里

桐車陂黃家陂張家陂新車陂新陂老木塘李家塘鴻

鵲塘貴西里

新蜈蚣塘在城西四十里案詳山川志

薦裏鄉桐車陂社陂郎中陂新陂姜陂桐車陂南塘陂南

岸陂桐車陂和尚陂車陂洲陂九七陂桐車陂瓦甕陂

大陂冷水陂一片一畝

馬安陂張家陂何家坊陂萍陂李家坊陂新陂片二畝

下陂荳麥陂片四畝

車碓陂橋下陂社前陂山前陂鳳山陂磨陂江陂片五畝

青草陂片六畝 新黃土陂劉源陂片七畝

薦外鄉下坊陂郎中陂李家陂廟前塘福上畝

兩江陂坐郎陂新陂黃泥陂連村陂邱家陂指榮陂高  
埔境陂石陂阜隸舟陂湖家車陂三車陂毛家坊陂橋  
頭陂趙家坊陂廟山陂羅家坊陂早禾塘陂張公陂江

東陂福中

姚家村陂黃家陂楊家車陂江東陂牛車頭陂桐車陂

巉塘陂雞子坑塘湖理坑塘東西坑塘二劉塘二十福

義坊陂楊家車陂上黃沙陂二

車頭陂新陂社山下陂下陂魯榮陂上良陂茅田陂西

境陂迷馬境塘來家塘後塘十九

山口陂羅家塘再興里和尚陂奪補陂胡家陂攔江陂

界首塘二

施家陂坊陂山口後陂常安

上車陂南道陂徐家坊陂馬攔坊陂中車陂徐家坊陂

中洲陂上車碓陂泉境塘長平里木堯陂壬家車陂曹

家車陂高視陂泉背陂潭邊陂凍陂周公車陂三姜頭

陂二大埔陂二侯公車陂二

新增貴壽車陂二十福

石裏鄉前茅陂金山嶺下陂丁家門首店前陂石馬鞍陂

灌塘陂水口山陂盤田陂二柘源塘大一

盧家坊陂大二里南岸陂會家坊陂殷家塘二

冷水陂殷家陂大三里

雞籠塘大五里

石下陂南岸塘勝東里

石外鄉大新塘上仙塘神東里一畝 寶山橋陂埭下塘口陂西

鄉市卒陂二畝

叔翁境陂神西里二畝 牛子塘三畝

松楊陂桂陂大水陂陳家坊陂鐵爐陂大上里

頰陂官陂廖陂金瑞陂石下塘大下里一畝 石下陂茶陂二畝

石下陂黃土陂鄒家坊陂長上畝

韶陂茅陂桐車陂賀家坊陂桐車陂旱口陂官塘長下里一畝

畝 易家塘二畝

澤陂石欄陂市陂平埭塘白竹塘長中畝

新 潭陂石陂神西里二畝

修仁鄉板陂安豐里二畝 潮陂湖陂三畝

假溪白沙陂下境陂奉化里一畝 黎江陂二畝 高陂油坑陂上

下山陂二龍陂三畝

大陂官陂涉陂二畝 名得里

龍鳳陂廣惠橋沙陂勸善里

高官陂藥湖陂舟陂福昌里

烏石陂修仁里一畝 院陂龍陂二畝

高陂塘陂楓陂溫湯里一畝楓陂院陂二二畝

集雲鄉白沙陂八宜南一畝安樂陂二二畝

楊家陂洪江陂九加南二畝

黃江陂藁薦陂花橋陂親仁里一畝染山陂二二畝

長陂湖陂十加南

黃公陂橫陂九宜南

澤陂建義里

信義鄉上林塘禮成里一畝大荒塘二畝茶園塘古塘三畝蕪宗陂

四畝姜安陂官園塘早埭塘五畝

黃家陂桐車湖田橋陂桐車黃泥陂下石袁柳陂廣基

塘懷寧里

楓林千江陂荷蓮塘黃家塘竹山塘簡家塘菴前塘小得

北

江東陂大得北

石甕塘得南里一畝潘家塘石壁塘二二畝

遷喬鄉乾陂醴泉里一畝牛路陂兩頭塘和尚塘燈籠橋塘二二畝

畝焦塘兩頭塘天枯塘四畝

石湖塘顯親里一畝速陂二畝徐陂三畝板陂江陂塘四畝

紐塘陂水塘荷塘李子塘沙塘刑塘二里甘泉

蔣溪社塘興仁里東畝

南門陂賽塘興仁里西

善和鄉楊陂鮑埭陂羅埭塘良灌泉塘歸得里韓塘陂鐵

平塘角塘二

蔣府志作莊陂上水陂社陂龍塘切塘興寧里

黃藍陂陽東里謝家坊陂二

窰前塘名教里

井塘安樂里上

鄒家坊陂安樂陂經陂安樂里下

龍羊陂黃埭塘安樂陂陽西里

化北鄉歐陽陂信東里安陂公陂輸塘扭塘二

新塘信西里

小陂阜角陂石門陂深塘蔡塘興東里仙塘二

狼陂興西里小坑池陂二井塘二會陂施家陂三

下山墘陂五雷陂上山塘陂江家陂羅家石陂北東里

任家陂下墘陂新田陂陶塘蔣家塘二

仙塘二塞陂石陂賽下陂殷家陂其石陂割碓

府志作碓陂甘家陂勝陂橋上陂二袁州陂潘家陂郭家陂

二

隅廂烏泥塘南隅

郭家境塘東外



油榨坑塘南外廂

上官園塘後荒塘北外廂兩路口塘二廂

徐陂在城東十里世傳仰山二神自揚州附徐璠舟歸

袁因璠無田一夕洪水暴至平高就下浦村有田五

頃今田號徐田陂號徐陂

按通志府縣前志于陂塘前後另書石湖蔣家官陂

沙陂藥浮州陂都陂郎中新陂各陂塘查俱歸各鄉

載明不必復贅惟徐陂未列鄉畝另錄于此

李渠始末詳後

水源

李渠源出官陂在城西南十里今福昌里新田橋下十數步即陂口也其水自清瀝

江來在城西南六十里江源出老山在清瀝南十里地名仰下仰山周回百餘里仰

下在其西山頂有瀑瀉下為此江過了山在城西十五里山下有藥浮陂至渠

口分為二派正派為沙陂在城西五里支派為官陂在城西二萬

畝

事始

唐書地理志云袁州西南十里有李渠引仰山水入城刺

史李將順鑿蓋將順以憲宗元和四年守袁州時州多火

災且民居負江汲漑艱甚將順以州城地勢高秀江低城

數丈不可堰使入城一日與僚屬出西郭門知南山水可

堰乃鑿渠引水溉田二萬畝又決而入城繚遶間巷其深濶使可通舟邦人利之目曰李渠仍於城外西北築塘名曰益州中留二島曰卧龍作亭其上曰仁智曰義政自塘穿渠遶州治與李渠接東流直出本縣南至赤板橋入於石潭今益州塘已為阜陸間有水灤居民占以種藝亭島悉廢不可尋究渠水自城東北隅入秀江亦無復過縣落石潭矣

繼修守倅姓氏

宋至道三年王懿距將順一百八十九年知袁州時州人頻困于火懿曰郡之火無水備耳命衆協力分治舊渠民歌之曰李渠塞王君開四城惠利絕火災

天祐三年袁延慶

舊志誤作延慶石碑作延慶

通判袁州

距懿二十三年

有能

名時民新懼火延慶復濬舊渠為備刻石記其事甚悉仍

創疎泉亭賦詩以見志

詩云本與居民禦火災不辭迢遞費紆迴夜澄明月家家到春泛飛

花處處來激淥寒聲喧巷陌碎光紅影見樓臺凭欄如解思經始知我為亭有以哉

宣和六年孫琪

距延慶百有六年

通判袁州到官未幾民三懼火

琪贊太守林徽之委宜春尉馬緘治西陂兵馬監押趙士

勿浚舊渠琪自為記

淳熙四年張杓

距琪五十四年

知袁州教民導渠千五百餘丈市

中古有義井為豪民湮塞亦皆浚治而揭其名州人進士

孟浩為之記

十年曹訓距杓七年知袁州以李渠廢而不治命工疎導水復

通並刊圖經所記李渠事龕于疎泉亭壁間以告後人文記

並見宜春集

### 寶慶丁亥修復章程

唐元和四年距宋寶慶丁亥踰四百載自刺史李將順後所傳浚渠名氏僅五人而亟於成者至不浹日奏功堙塞於積久之餘而浚治於旬日之頃欲其勿壞不可得也閱歷益久堙塞益甚其在城外者僅如一線而在城內者民居之所覆壓糞除之所填淤窒不復通以故倉卒之際求水甚艱且春夏之交疫癘間作郡士民每以爲病而鄉大夫序圖志亦於此致不滿之意維時直文華閣曹叔遠來知是州下車之初訪民利病亟議修復然堙塞歲久或者難之叔遠曰興利除害州守責也一州之利孰有大於是渠者其可以堙塞之久工役之殷而遂已乎乃于春正月之四日單車出郭相水源觀地勢規撫經畫一出于親授而官吏聽焉甫閱月渠成邦人莫不鼓舞相慶今以其浚治次第條具于後

### 陂頭至西城下

渠水自官陂口東流越三十餘丈有鄉民毀隄分水而北以爲水磴由是渠水入城者無幾乃首命役夫塞罅增廩

嚴其毀撤之禁越九十五丈跨爲橋以便往來自橋以東渠與江並流僅隔一隄隄不滿二三尺江流湍急日夜衝礪其下隄以此輒壞越百餘丈隄沿江曲轉山下多巨石渠以此益狹且去江尤迫常岌岌欲潰今植木爲柵實以土石高濶眊舊踰數尺仍截江築乾陂四俾江流背隄而趨隄自是始固山下巨石焚以積薪淬而鑿之渠自是始寬過此渠與江相去漸遠江則趨沙陂落麟橋以合於秀江渠則傍山遶田迤邐東注越二百五十餘丈地名小水口闢其地爲一斗係第一斗深五尺長九尺濶二丈七尺又越二百五十餘丈其地古有水斗久爲居民冒占浸以堙廢

今升而廣之周遭可三十七丈深一尋係第二斗由是西至陂

頭展築新隄七百餘丈隄舊不容一武今可通車首尾立

二華表扁曰新隄越八十餘丈北至茂林渠轉而東復爲

一斗係第三斗濶二丈深丈餘凡斗皆因渠流奔湍使之渾涵

停蓄盈科而後進旣出茂林地勢侵高隱隱若岡隴狀渠

深二丈許水始可通流鑿之工倍費焉又越百餘丈由崇

勝院前過西墅橋歷社壇出官圳巷居民以板覆渠屋於

其上者三十餘家官給費以助其開浚至州城西門萍實

橋下卽其處立華表扁曰唐李公渠渠抵西城下曲轉入

城恐卒有暴漲水口不足以受之乃於城下展壕爲湖旁

爲一閘渠漲則啟閘分水於湖以殺其勢因扁之曰分水  
湖濶可二百丈中植荷旁植柳雜以花竹荆亭五間扁曰  
玩芳北望多李花扁其軒曰雪映總扁之曰李渠亭去亭  
十餘步爲屋三間扁曰葯房俾護渠者居之以司是閘之  
啟閉又於水閘之北創亭曰激湍

西城渠口至貢院入江處

西城下渠口蓋渠水入城之咽喉傍城舊有斗歲久遂爲  
比近居民傾貯糞穢之所水不復通今浚深丈餘濶一丈  
二尺卽其上創屋三間爲仰山祠使民有所畏無敢墮前  
之爲者自渠口越三登坊大街過子城背將入郡圃復爲

一斗繚以垣墻屋於其旁以爲看守者居止之地自此穿  
郡圃遶延月橋過虛舟入鏘璆亭下下激玉亭之左向修  
禊亭東墻而出歷袁公祠前屈曲四十丈折而爲二其一

越龜石巷小街入判官廳西池內流入倅圃石澗

此係古渠正派

經花園內穿牆而出其一小派北流過判官廳廻屈曲數

步卽落江

此處地屈水活未可阻滯遂置澗焉

其一正水遠流從古渠橫越

疏泉坊大街遂折而東歷民居入過韓文公祠歷民居五  
至泮水又歷民居五轉獎廉坊斜歷民居三越大街而東  
歷民居十有一過常家巷小街歷民居九過鐵爐後巷小  
街歷民居四又折而北穿神問坊大街之西歷民居十有

二越街東復折而北歷民居三過治平院又歷民居三過蔡家巷小街歷民居十有九轉而入市過獅子橋南經民居六經右龜目井華表內歷民居四過蔡家後巷小街歷民居三十有三又斜穿集雲坊大街歷民居十有四過牢城營口歷民居八自此越大街而北復折而東又歷民居十有五穿迎恩愛棠東行衙三驛過報恩寺入貢院轉而北會於秀江此渠古稱可以通舟則其初深濶可想兵火之餘民居日益侵占今慮爲民擾不欲毀撤止令家自開浚貧者官侑其費餘則官自浚之濶皆三尺以上凡渠水所經巷陌之衝舊爲暗溝復以磚土今悉撤爲明溝深廣皆丈餘非特可以驗通塞亦可以便汲漑里巷之好事者爭願出力跨橋其上丹堊煥然橋下清流汨汨繚繞城市耆老聚觀以爲前此未睹云

城水溝

城水溝凡三所一在獎廉坊之街東穿民居而北又自其棠坊口轉而西流復折而北落通泉坊注於秀江一在市心越大街而北經阜通坊街西自善利坊注於秀江一在育材坊前越大街而北經育材坊內注於秀江此三溝者所以防渠水之溢竊意古人必於此各置一閘時其啟閉

今漫不可考兼渠流居民舍下置閘亦難但於三處溝口砌高三尺許水溢則俾自流而北每溝各浚斗架橋

接水溝

接水溝凡三所乃諸溝水與李渠相接者一在州學西桂僊坊前每雨驟至溝狹既不足以容而渠堙塞不涉卒泛溢於街深至尺許往來者以為病今於學之西牆外拓地幾二丈鑿新溝深與渠等而濶過之以其餘地創亭三間扁曰濯纓環亭植竹以為諸生遊息之所一在積慶坊一在熙春坊每溝各浚斗架橋

斗總數 大小共三十七

小水口

古斗

茂林路前

城西仰山祠下

子城背

三登坊大街橋下

疏泉坊橋下

獎廉坊橋下

常家巷橋下

鐵爐後巷橋下

神問坊橋下

蔡家巷橋下

右龜目井橋下

蔡家後巷橋下

萬家巷橋下

論思坊橋下

集雲坊橋下

牢城營門口二

營前大街橋下

迎恩坊橋下

報恩寺門內二

貢院二

右係李渠所經處

靈泉坊口橋下

右係自通判廳牆下一派向北流去

桂仙坊口橋下 積慶坊橋下 熙春坊橋下

右係接水溝

甘棠坊橋下 通泉坊橋下 市心獅子橋下

育材坊大街橋下

右係城水溝

通泉坊橋下 即鮮魚巷 飭化坊橋下 阜通坊大街橋下

右係市北諸處溝水與城水溝東西相接

橋總數 大小計二十七 西城外者不與

三登坊內 疏泉坊內 靈泉廟巷口

通泉坊口 獎廉坊內 甘棠坊內

桂仙坊前 積慶坊內 神問坊內

市心獅子橋 右龜目井路 阜通坊內

集雲坊內 育材坊內

已上大橋十四

子城巷內轉處 子城背斗邊 常家巷內

鐵爐後巷 熙春坊口 蔡家巷內

涌泉坊內 蔡家後巷口 萬家巷內

論思坊內 飭化坊內 育材坊內

迎恩坊內



已上小橋十三

役夫條目

凡役夫每旦畢集於庭十五夫分爲一甲別以色旗分渠以二丈爲限每二丈用役夫一甲或二甲視渠難易以定多寡中留二丈以次更浚使役夫不相質亂工役有所稽考每甲督以一卒兩甲總以一胥不時委官至役所檢察其傭金一視市直遇晚親自給散吏不得預毫髮遠近聞之荷鍤而至者日幾千夫方春小民艱食賴此以濟者甚衆至治陂及築新隄則付之陂戶以其習熟陂事故也傭金亦與役夫等委宜春丞徐徹尉余紹貢士李發

按選舉志嘉熙

二年進士李發距寶慶丁亥給之渠在郊外者濶約一丈管渠時僅十三年明即其人深約三尺唯茂林路傍極深其在城內者濶皆三尺以上深約六七尺

渠長十員

渠長之稱見唐志並舊圖經

渠水雖已流通又慮向後或有浸占淤塞及陂頭長隄有衝決等事州守未即知覺須得有公心好義之士常加覺察時以告州守修整施行然後可以永久迺選請州士十員爲渠長專修任其事

陂戶

陂戶乃佃氓自沙陂而上至官陂受此渠溉田者爲之計六十餘人而甲首六人

甲首每歲輪着六人

遇有小小損壞衝決去

處本保卽報知渠長令甲首喚集陂戶自行修整如所費或重則十渠長參酌申官助之

甲戶

甲戶自城西至東城凡李渠所經近二百家今令五家結爲一甲互相糾察不許侵壞淤塞

如棄糞除破作及架樹留澗源於渠上者皆有

禁三甲內又擇一人爲甲首常切點檢遇有此等及渠岸

頽圯之類甲首卽報知渠長渠長遣人監視修浚違者申

官或論捕巡督治內有甲首隱而不告或因他人報知者罪其

甲首

委李貢士掌管分水湖

知州事曹叔遠開濬李渠功力浩大今已周全最要緊是渠水到西城下對口一帶堤岸日前常被城下壕塘租賃人不時盜掘放水以至侵壞及填塞作住屋或據渠作廚厠等使一城官渠之水斷阻不通今於城下起蓋官亭一座臨李渠作朝夕照管處所是亭前分水湖地今雖擇人掌管切見本州學直學貢士李發平昔有信義有幹畧爲一邦推重又今能於濬復李渠從上流分江成陂處拜築新堤及次第開鑿淤塞謀畫最爲詳細不憚勞煩迄至周備一城內外渠水通流可以坐息疾疫火燭之憂其功力不淺合將此處湖地付李貢士掌管併令專一照管李渠

乃李渠之名獨冠江右儼然與鄭國龍首輝映史冊是  
豈過情倖獲者耶仁人有言其利亦溥况乎以實心行  
實政有不澤流窮壤而聲浹來茲者哉

年知府黃鳴喬重疏同知侯世屏爲之記明末迭遭兵  
燹水泉莫通

國朝康熙八年知府李芳春定議修濬委照磨吳允慶巡  
檢魏映奎分董其役於仲冬月興工迄明春告成芳春  
自爲記新建鄒檢討度璫亦有記歲久復湮雍正六年  
知府薄履青知縣王淑京倡衆捐修濬渠水復通

通志原按宜春之珠泉寧泉等水灌畝蔭澮均屬天地  
自然之利非人力所能爲也若以人而輔相天地則惟  
將順鑿渠巧力兼至自唐宋迄今屢湮頻復民受厥賜  
多矣夫稠江清瀝雖曰洪流以視贛水鄱湖渺乎小矣

乃李渠之名獨冠江右儼然與鄭國龍首輝映史冊是  
豈過情倖獲者耶仁人有言其利亦溥况乎以實心行  
實政有不澤流窮壤而聲浹來茲者哉

重修李渠記

蓋聞民計在農農力資水水利不興旱澇皆足爲農病袁  
居豫章上游水勢易漲易瀉無滯瀦導宣之法徃徃傷於  
早復傷於澇唐州刺史李公將順乃堰南山水鑿渠通流  
溉田二萬決而入城至東城隅北折合秀江邦人利之名  
曰李渠自後修於宋者六修於明者五修於 國朝者二  
其疏濬之時相距或百數十年或五六十年或三四十年

或七八年尅期有久暫用力有多寡皆因歲久淤塞水泉  
不通民甚苦之是以歷經疏濬惟自雍正戊申以後閱今  
九十五載渠遂湮廢如故余莅袁之明年適程大中丞來  
撫江右首以興修水利督率僚屬宜邑令程君國觀始倡  
議開濬焉選擇邑貢生蕭元善劉樹芸二人實董其事計  
自官陂口分清瀝江水入渠依山曲折循畝穿林自北折  
東達於城西萍實橋下入城至府學齋署前鑿以方池約  
寬三畝爲渠水滙蓄之處圍以石欄中甃石橋其明溝暗  
渠凡數十折水循故道清流汨汨如縈如繞以資灌溉以  
便民汲總計一千九百餘丈興工於本年九月至明年十

月告竣歷經一年聿觀厥成焉夫功必待人而興而功始成事必擇人而界而事始善茲役也程君經營規畫不辭勞瘁絕無畏難退沮之心是能興廢舉墜勤求民莫者而得蕭劉二子矢公矢慎襄厥勞動相與有成謂非蠲潔自好而能事者與此邦之人驩欣踴躍無不樂其樂而利其利矣余守茲土於民生至計固宜因勢而利導之而兼表率之責茲幸千有餘年之故跡中間興復者不一人疏濬者不一時屢修屢廢而於近百年之後一旦窮原竟委泉流不竭俾民間灌溉有資汲取甚便此何如功利及民又非大得民心允協輿情烏能底績哉尤當斟酌籌畫銓次之厚望也夫

昔

道光 年 月之吉

誥授朝議大夫知袁州府事 鄭心一 撰

宜春縣志卷七

學校志

古者興養立教學校與井田並重袁自韓文公倡明道術李衛公振拔人材袁人士益肆力於學嗣是守邦者多持風教勵士氣而李泰伯州學記能揭政治之源以相勸勉風氣蒸蒸日上矣宜爲附郭首邑教化涵濡尤近且易籍學官者能無溯先賢之流風而爭自濯磨也乎志學校

袁州府學舊在袁山門外五十步唐天寶五年郡守房琯立乾元元年刺史鄭審移於郡治西四十步南唐保太

十年刺史李徵古移於郡治西南三十步宋景德三年州守楊侃奉詔增修講堂自爲記慶歷六年州守李詵置州學房錢以贍學徒教授徐正夫記皇祐五年州守祖無擇以舊址狹隘乃改營州治東二百步卽今學軒江李觀記京兆章友直篆額河東柳淇書丹世稱三絕熙豐間館閣第天下學記以袁爲冠紹興九年州守陳煇重新張九成記淳熙五年州守張杓再新之更教堂爲明倫堂建稽古閣以藏書改創四齋於明倫堂之側名曰集善明善思敬克己前有池池有井亭曰風雩曰采芹張栻記嘉定元年教授虞達煥築堂於池之東曰

叢桂進士題名列焉元至治間路總管完顏命教授呂申孫創碑亭於學門之右至元五年路總管張熙祖建尊經閣於講堂之北虞集記明洪武六年知府劉伯起重修成化間知府常顯復修吳節記宏治五年知府王俊大加修葺左廟右學宏備莊麗林瀚記知府朱華增桂香樓五間三十七年知府汪若冰重修鄒元標記四十六年知府黃鳴喬修崇正十二年知府解經達重修康熙五年明倫堂圯守道施閏章知府李芳春重修宜春袁繼梓記雍正間教授湯大坊建講堂宜春黃在中記後改爲教授署乾隆二年知府程文華改建有加十

八年知府楊暹修二十四年知府陳廷枚重修嘉慶十四年萍鄉文守元等倡合郡人士移建明倫堂於左堂前右爲教授署左爲訓導署訓導署前爲書斗房前爲儀門頭門連共各五間

學額

詳縣學

學基

嘉靖舊志東抵甘棠坊三十步西抵疏泉坊三十步南抵崇儒坊北抵永積庫周圍三百九十步明萬歷間知府鄭惇典查復

學田

府學故無田明萬歷三十七年知府汪若冰買民田二十九畝地名萱溪額租六百餘桶除納糧外餘入學課士公用袁業泗記現今歲折租銀二十四兩四十四年守道鄔鳴雷買民田五十八畝地名雙演額租千餘桶現今歲收租六百二十桶府學收三分之二以爲師生膏火其一歸宜春學豎碑府學戟門外又地名新居塘田四十五畝每年除個人扣租納糧外改折租銀十三兩與宜春學均收以膳膏火外學山一所名橫壚山乾隆二十三年知縣郭人傑勘清歸學詳府存案載府志舊縣志載府學原額學田五十五畝七分地名洪岡陂頭



鐵爐窰田一畝計六坵 岩下田三畝計四坵 陂頭  
 上田一畝計二坵 落陂頭田十畝計十三坵 江下  
 田十三畝計五坵 漂坵田三畝五分計十四坵 鄱  
 官境田一畝計七坵 黃家窰田五畝計二十三坵  
 蒜坵田二畝五分計十一坵 路坵田一畝二分計四  
 坵 江弦上田三畝計十四坵 橫坵田一畝二分計  
 八坵 高石田一畝計八小坵 上高石田一畝計九  
 坵 干境田五分計四坵 上窰田五分計五坵 松  
 樹下田二畝計十三坵 竹山下田三畝五分計二十  
 三坵 乾田八分計七坵 洪岡嶺田一畝 已上共

徵租穀三百三十四桶以八桶為一石共計四十一石  
 零六桶共折銀八兩三錢五分內將四兩一錢二分零  
 完糧內將二錢一分完本色南米此外實餘租折銀四  
 兩一分九釐八毫六絲

嘉慶二十一年萬載職員郭光暹捐助宜春東嶺下民田  
 十畝三分零歲收額租三十五石折錢二十六千文每  
 屆歲試抽給廩生卷價正齋因有雜費不願領受專助  
 副齋收租管業完納徵銀南米

萍鄉黃柱捐助秋江小洞園樟窰三處民田一十八畝歲  
 收額租四十二石折錢二十千文

宜春縣學舊在城東門外宋淳熙間州守張杓遷建袁山門外秀江北乃盧肇故宅也卽今址設講堂曰聞絃開禧元年縣令司馬遯創四齋曰居仁由義近思篤志嘉定三年縣令張光復立講座增職事位環以廊廡林垆記學後有盧公墓沼築亭其上因以名之復有亭曰咏歸元季兵燬明洪武七年知府劉伯起知縣孫士敏重建明倫堂及東西二齋正統七年知府姚文建敦教堂張益記正德十年知府徐璉建堂齋廡舍外門疊石堤江築興賢樓自爲記嘉靖二十八年知縣徐棻建藏書閣築射圃建亭萬歷四十六年知縣廉養貞復修崇正

十年寇毀十五年知縣朱茂暲修葺未備尋遇兵燹

國朝順治十年教諭范諱申請修復康熙六年守道施閏章知府李芳春同知夏毓龍知縣陸炳謙教諭金玉書捐貲重修十三年寇變屯軍蹂躪二十九年署縣丞王縉臣重修四十二年知縣江爲龍再修並增製祭器如數四十五年教諭劉準訓導胡之麟倡修河岸暨立盧石及移出盧肇家舊存石獅雍正元年署知縣施昭庭七年知縣許松佶相繼重修乾隆十三年知縣孔傳大教諭周宏勳訓導黃美重建三十二年署知府盧崧教諭徐澄訓導楊遇亨督紳士重修五十三年至五十五

年合邑士民捐貲改建以教諭署移明倫堂之左訓導署移高士祠之右卽今制知府林其宴記

世祖章皇帝順治九年題准刊立卧碑置於明倫堂之左曉示

生員

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有條例開列於後

一 生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一 生員立志當學爲忠臣清官書吏所載忠清事蹟務須互相講究凡利國愛民之事更宜留心

一 生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一 生員不可干求官長交結勢要希圖進身若果心善德全上天知之必加以福

一 生員當愛身忍性凡有司官衙門不可輕入卽有切己之事只許家人代告不許干預他人詞訟他人亦不許牽連生員作證

一為學當尊敬先生若講說皆須誠心聽受如有未明從容再問毋妄行辨難為師亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

聖祖仁皇帝康熙四十一年

御製訓飭士子文頒勒各學

國家建立學校原以興行教化作育人材典至渥也朕臨御以來隆重師儒加意庠序近復慎簡學士釐剔弊端務

期風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有敘爾諸生幼聞庭訓長立宮牆朝夕誦讀寧無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友規師悉化驕盈之氣文章歸於淳雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言挾制官長或隱糧包訟出入公門

定春集卷一  
或陵撥奸猾欺孤凌弱或招呼朋類結社要盟乃如之人  
名教不容鄉黨勿齒縱幸脫褫扑濫竊章縫返之於衷寧  
無愧乎况夫鄉會科名乃掄才大典關係尤鉅士子果有  
真才實學何患困不逢年顧乃標榜虛名暗通聲氣夤緣  
詭遇罔顧身家又或改竄鄉貫希圖進取囂凌騰沸網利  
營私種種弊端深可痛恨且夫士子出身之始尤貴以正  
若茲厥初拜獻便已作奸犯科則異時敗檢踰閑何所不  
至又安望其秉公持正爲國家宣猷庶績應後先疎附之  
選哉朕用嘉惠爾等故不禁反復惓惓訓言頒到爾等務  
共體朕心恪遵明訓一切痛加改省爭自濯磨積行勤學

以圖上進國家三年登造束帛弓旌不特爾身有榮卽爾  
祖父亦增光寵矣逢時得志寧俟他求哉若仍視爲具文  
玩愒勿做毀方躍冶暴棄自甘則是爾等冥頑無知終不  
能率教也旣負栽培復干咎戾王章具在朕亦不能爲爾  
等寬矣自茲以往內而國學外而直省鄉校凡學臣師長  
皆有司鐸之責者並宜傳集諸生多方董勸以副朕懷否  
則職業勿修咎亦難追勿謂朕言之不預也爾多士尙敬  
聽之

入學定額

明隆萬天啟間科歲一試崇正三年科歲始分每試錄童

生四十名撥府十名餘三十名隸縣學戊寅癸未間督學侯峒曾吳炳大收廣額或六七名或十餘名

國朝順治初因之四年定直隸各省儒學視人文之多寡分大學中學小學大學取生員四十名中小學以十爲差府學廩生四十名縣學廩生十名增廣生如其數府學貢於成均者歲一人縣學二歲一人康熙九年更定儒童入學額數府學二十名宜春分宜爲大學十五名萬載中學十二名萍鄉小學八名武學名數同雍正二年

上諭我

祖仁皇帝壽考作人六十年來山陬海澨莫不家弦戶誦直省應試童子人多額少有垂老不獲一衿者令督撫會同學臣查明人文實在最盛之州縣題請小學改爲中學中學改爲大學大學照府學額錄取督撫務宜秉公詳查不得徇私冒濫遵

旨查核題准袁州府宜春縣向係大學今照府學額取進二十名唯府學仍舊順治十七年

詔袁屬縣學加額例應宜分二邑互相爭訟督學李以林喬植卷魁五學撥入宜春亦祇一年康熙六十一年

恩詔直隸各省儒學大學加取七名中學五名小學三名袁州

府學宜春縣學俱照大學加額雍正十三年

如前舉行不為例乾隆六十年大學加七名嘉慶元年加

五名五年加七名二十五年加七名道光元年加七名

學基

東西二百步南北二百五十步又狀元坊下店屋一棟

學田

明萬歷二十四年知縣尹從淑置買學背民田六畝七分

未經申詳額租一百桶又地九畝零內二畝七分今准

作田額租二十桶知縣陳伯龍置買學背魚塘一坵今學

册作計十一畝七分租銀一兩五錢又華山脚下田二

十六畝五分額租三百六十桶鹿陂甫田五十八畝二

分額租五百一十桶西宰嶺田十三畝五分額租百二

十桶折徵銀十二兩乾隆六年查出射鵬上田七畝額

租九十桶其與府學公管者載府學田中外宜春縣經

理學田三頃六十二畝八分歲科二試解學政衙門賑

恤貧生租銀四十五兩四錢九分府學四兩八錢二分

縣學四十兩六錢六分五釐四毫四絲四忽五微俱由縣報解載府志

舊志載原額田地通共三頃六十三畝四分內田三頃六

十二畝八分地六分除佃戶完糧外每年額租八十六

石七斗五升八合額科折銀四十三兩二錢二分二釐

一戶信義鄉禮成里二畝小原塘民田六畝計七坵  
河塘民田六畝計六坵 石塘民田五畝計三坵 邊  
坵田十畝計十坵 布家原田十畝計十坵 柳堦下  
田十一畝計十三坵 除佃戶完糧外額租十石一斗  
折銀五兩零五分  
一戶化北鄉北東一畝官庄下田二十畝計二坵 棉  
花土民田十七畝二分計三坵 上村田七畝計一坵  
早塘下田八畝計七坵 除佃戶完糧外額租八石折  
銀四兩

一戶化北鄉北西一畝龍田上民田十五畝計四坵

野猫埭田十畝計三坵 霞塘上民田九畝計二坵  
鐵旗前田九畝計二坵 除佃戶完糧外額租十一石  
六斗折銀五兩八錢

一戶修仁鄉福昌里排窰田十畝三分計十五坵 張

埭嶺田七畝二分計十坵 對塘民田十五畝計十一

坵 埭下田一畝五分計七坵 遲邊下田一畝計二

坵 菴下田二畝計三坵 羊粘窰田二畝計一坵

虎形窰田一畝計一坵 犁嘴坵田一畝一分計一坵

遲邊上民田五畝計九坵 除佃戶完糧外額租十六

石六斗五升四合折銀八兩三錢二分七釐



一戶分宜縣二十三都二畝東田田十畝計四坵 墓  
下民田二十畝計十五坵 路下民田五畝計二坵  
除佃戶完糧外額租九石折銀四兩五錢

一戶化北鄉興西一畝新坊埭田六十畝計六十坵  
又田三十畝八分計五十五坵 施天田二畝四分計  
一坵 邱家源田六分計一坵 地六分 除佃戶完  
糧外額租十七石五斗六升四合折銀八兩六錢三分  
二釐

一戶詔仁鄉早塘民田二十七畝三分 除佃戶完糧  
外額租八石八斗四升折銀四兩四錢二分

一戶集雲鄉楊梅山民田六畝計六坵 松山下田八  
畝計九坵 除佃戶完糧外額租五石折銀二兩五錢  
一處湛郎橋田七畝二分 土田五畝六分 歲收額  
租二百桶

鄉飲酒禮

附

凡鄉飲酒之禮歲以孟春望日孟冬朔日舉行於順天府  
庠豫期由大興宛平縣令各舉耆年致仕德望懋著者一  
人爲賓次介次三賓次衆賓均以齒德兼優者爲之屆期  
以本部漢堂官一人監禮府尹爲主人教授一人爲司正  
贊禮執事以府縣學生員先一日設坐次於庠之講堂設

律令案於堂東司正官率執事諸生習儀樂部和聲署設樂於西階下至日質明主人偕僚屬執事生均詣學廼速賓介既至考鐘伐鼓主人出迎於庠門之外賓介東面主人西面主人揖賓介入衆賓從入三揖至於階三讓廼升主人東階上北面再拜賓介西階上北面答再拜主人揖賓介就位三賓衆賓咸就坐賓席西北南嚮介西南東嚮主人東南西嚮三賓衆賓在賓席之西東嚮坐定贊者贊司正揚觶以下行禮均唱贊司正由西街升詣堂中北面立賓主以下皆立司正揖衆皆揖司爵酌酒於觶授司正司正揚觶而語曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉里無或廢墜以忝所生廼畢飲以觶授司爵揖賓主以下皆揖司正退衆皆坐執事者舉律令案於堂中讀律令者詣案北面立賓主以下皆立揖如前讀畢退主人起獻賓席前北面立司爵酌酒授主人主人受爵詣賓位司饌舉饌案於賓前主人奠爵於席降再拜賓答再拜退復位賓起酢主人席前東面立司爵酌酒授賓賓受爵詣主人位饌案從賓尊爵於席再拜主人答再拜賓復位主人起獻介介酢主人均如前儀司爵酌酒獻三賓衆賓

偏工升鼓瑟歌鹿鳴賓主以下酒三行司饌供羹笙磬作  
奏南陔閒歌魚麗笙由庚司爵以次酌酒司饌供羹者三  
迺合樂歌關雎工告樂備執事者徹饌案賓主以下皆起  
主人就東階賓介就西階均再拜賓介降階出主人送於  
門外如初迎儀

按直省舉行鄉飲酒禮府以知府州以知州縣以知縣  
為主席餘儀與順天府同

鄉飲賓姓氏

明

張化龍 朱克琳 徐天銳 潘 宇

皇清

梁佳植 袁繼騰 袁繼誠 晏先登 劉而實

按鄉飲不祇此九人因乾隆以前卷冊少存未便畧前  
詳後故今亦第照前志錄之

社學

培陽社學舊址在東隅宜陽坊原屋計前後二棟兩廊前  
至官街後至易家園土左至李姓基右至傅姓基因兵  
學毀基存今營弁蔡姓未具負狀豎屋基上載前志

萍實社學舊址在西外廂一畝原屋計前後二棟兩廊前  
至官街後至王姓園土併路左至大路右至謝袁二姓

宜春縣志卷八  
基因兵學毀基存載前志

仰韓社學舊址在南隅朝真坊原屋基一棟前至官街後至周蕭二姓園土左至蕭姓基右至周姓園因兵學毀基存載前志

挹秀社學舊址在北外廂一畝下水關原屋計前後二棟兩廊前至官街後至楊姓基左至楊九皋屋右至官巷因兵學毀居民楊濟我未具貨狀暨屋基上載前志

宜春縣志卷八

公署志

天星營室象宮室三垣及列宿次舍各有定居聖人則之而營建興焉有民舍以奠庶姓卽有公廨以安仕宦邑宰爲郎官上應列宿而首邑附郡凡郡中公廨爲各邑分任修葺工費自應不少况袁濱湖湘其設官以資捍衛在昔尤多今雖沿革不同如已修建宜詳始末以紀正位宣化之本志公署

上諭亭在郡治東南熙春坊雍正九年知府薄履青建乾隆四十四年知府陳子恭重建宜春縣附府

府署在城西北隅南唐保太二年刺史劉仁贍作州廨立  
廳堂齋閣譙樓賓館武庫吏舍儀門頭門總六百餘間  
後呂延真再加葺治宋景德間知州事楊侃增修建炎  
三年知州事汪希旦重建戟門淳熙四年知州事張杓  
重建譙樓并創頒春宣詔二亭嘉定十二年知州事滕  
強恕再新之元至順壬申路總管錦州不花畧加繕修  
歐陽元記明永樂正統間知府朱瓚姚文繼修宏治間  
知府王俊建後堂川堂正德壬申知府姚汀新正堂及  
六房同知黃信董其役癸酉知府徐璉至落成隆慶間  
知府鄭惇典重修正廳及六房頭門萬歷間知府汪得

時復以府前湫隘折布政司所擴數十丈樹大屏墻於  
外崇禎壬午正廳火僅一亭視事 國朝康熙三年知  
府李春芳重建有記後知府葛繼孔建桂花亭上下二  
所於內署之右額曰瞻韓雍正三年知府李英新後廳  
十二年知府薄履青重建頭門儀門乾隆三年知府程  
文華詳帑修吏舍二十年知府陳廷枚建正廳及昌黎  
堂又於堂西偏建廡一後圍建亭一大門儀門加飾完  
固自爲記嘉慶間知府王朝颺重建後堂二十三年知  
府隆泰重修頭門儀門又重建東西轅門

正堂

國朝康熙四年知府李芳春同知  
孫席慶推官鄭燭重修額曰端本堂

浩然堂

在小清涼境之後  
宋州守祖無擇立

慶豐堂

在延月橋之南  
宋州守祖無擇立  
自為記有十閑詠

南園道堂

在府治內  
宋宣和間州守辛炳建  
詩云有節松筠方直操  
無言桃李盡成蹊

吏隱堂

在府治內  
宋州守趙資道建

無訟堂

在府治內  
宋州守阮閱建并記

四益堂

舊名安民  
在小廳之後  
宋州守張杓建  
刻其父浚所書四益碑於其中

尊德堂

在府治內  
宋淳熙間州守周必達建  
其弟必正記云  
正直慈愛宏才碩德  
吾尊房公詆排異端

扶植聖道  
吾尊韓公文謀武畧  
外定內理  
吾尊李公其他相繼而稱賢者  
吾次第尊之  
載輿圖備考

敬簡堂

在設廳之北  
宋州守黃劭立

節正堂

在風月樓之下  
宋州守羅克開立

勤順堂

宋州守羅克開立  
取韓愈鄆州後堂序上勤下順之語  
以名林洞記

玉虹堂

在一覽之下  
宋州守劉履忠立

虛舟堂

在景韓堂之後

疏泉堂

在清心堂之西

落梅堂

在府治內  
宋王孝先詩云聊將三弄笛吹向五更初

瑞禾堂

府治左  
宋似山寺產瑞禾因名

中和堂

在府治內  
元修建

問道堂

在府治內  
元修建

必葺

在小廳之西  
宋州守沈昭遠立

隱齋

舊名冰壺  
在小廳之西  
宋州守張杓建南軒易今名并記  
朱子有詩詳藝文

舫齋

在敬簡堂之後

長春

在敬簡堂之後

寄齋

州守鄭昉立

風月樓

在敬簡堂之後

一覽樓

在分司署內  
景韓堂之西

多勝樓

舊在府治西  
子城之上  
元重修

浮香樓

在府治

無雙亭

在慶豐之東  
州守高諷之立

幽巖亭

在慶豐堂前  
宋州守劉履忠立

雪山亭

在分司署內  
清心堂之後

鏘璆亭 在疏泉堂之後

澄源閣 在府治內宋州守呂延真建傍有深榭亭沈昭遠有序并詩

架閣庫 在府治內元修建

月林菴 在分司署內不受暑堂之後宋州守高諷之立

修禳菴 在漱玉之西宋州守高諷之建 漱玉菴 在鏘璆亭之下宋州守戚如琥立

小清涼境 在四益之後宋州守李詵立 菊坡 在多勝樓側

鳴玉池 在府治內唐刺史張恭鑿

按府署在元為總管府曾經達魯花赤正議總管少中推官孟承務暨首領官經歷李承事知事成登仕萬照磨四邑知縣吏民各捐貲修建公廨正廳五間泊水三

間中和堂五間泊水三間廚房五間問道堂五間東廊司舍一十六間多勝樓三間西廊司舍一十六間正門三間儀門五間東西外廊一十二間經歷司正廳泊水五間明樓一間架閣庫正廳五間庫房八間書刻碑陰立在儀門右前志闕載今補第所額堂齋樓亭各名俱因舊所改易非另闢一室而名故宋元以後之額皆不載今祇錄其可知于後

鴻雪齋 在府治內國朝道光二年知府鄭心一建

同知署 在府正堂左北向袁山明萬歷中同知陶之肖修構亭引水以供燕對 國朝乾隆十五年至二十二年同知遲之銍重葺建亭三總曰南園自為記二十三年同知楊應璠重修衙署有遊南園記

求懿堂

明同知侯世屏題

輯寧

明郡守鄭惇典題

有足亭

在治內乾隆十五年同知遲之鈺建取有子萬事足之意

滋須亭

在在足之西十九年遲之鈺建取樹德務滋之意

鶴瓢亭

在滋須之西南二

揖春飲翠

同知梁穆題道光三年劉體重重修

府儒學

教授署

舊在文廟右雍正間以講堂改爲之乾隆二十四年教授熊日華修嘉慶十四年遷建明倫堂

于大成殿左即就其右改建上下兩棟

訓導署

舊在崇聖祠東久廢暫寄育嬰堂後建明倫堂右嘉慶十四年遷建明倫堂于大成殿左

即就堂左改建上下二棟

明倫堂

舊在文廟右嘉慶十四年遷建于大成殿左餘詳學校

尊經閣

原係貯書之所廢已久現奉願發書籍近貯教授署內惟所藏二十一史未詳所自

講堂

稽古閣

集善齋

明善齋

思敬齋

克己齋

風雩亭

采芹亭

叢桂堂

桂香樓

三絕碑

射圃 舊在西廡外土地祠前

已上建置詳學校今俱廢

神廚

宰牲房

育材齋

進德齋



興賢齋

儲秀齋

敬一亭

膳堂

號房

學倉

已上俱載府舊志今亦廢

經歷司

在府署左崇正壬午火國朝康熙三年知府李芳春重建嘉慶年間改頭門向府前大街道光二

年重修

照磨所

在同知署後壬午火李芳春重建乾隆二十四年照磨馬超九重建

土地祠

在府儀門外康熙七年知府李芳春建乾隆四年知府程文華修二十三年知府陳廷枚重修

延賓館

明嘉靖間知府季德甫建鄭惇典修國朝康熙七年知府李芳春重修

申明亭

在府治東知府程文華建乾隆二十四年知府陳廷枚重修

按申明亭明洪武元年奉詔建立凡民作奸犯科者書其罪揭於亭中以寓懲惡之意八年令府縣衙門前建立一座官吏過犯者書揭板榜以示懲勸十一年奉戶部勅民榜令各處里老於亭中剖決戶婚鬪訟

總舖遞

在府治東詳見驛遞

譙樓

在府治東宋嘉定間州守滕強恕建築臺為樓五間原製銅壺一座并夜天池日天池平壺萬水壺水海

影表定南鍼添水桶更籌漏箭鐵板鼓角設陰陽生輪值候籌報時明嘉靖癸卯毀知府徐禎重建萬曆中知府鄭惇典加修復訪精術料理如初更漏復得分明扁曰迺穢樓專祀袁天罡同知李瀚於樓修祭又補鑄天罡原造銅璇璣於觀天臺自為記歲久毀國朝康熙丁未知府李芳春修建為一郡大觀惟舊銅壺不知所

在乾隆二十四年知府陳廷枚重修樓西新額曰餘輝

按唐節度使入境州縣立節樓迺以鼓角故稱鼓角樓  
今謂之譙樓者言門上為高樓以望陳勝傳云戰譙門  
中譙通作譙亦呼為巢譙巢聲相近故兵車之上為樓  
以望亦謂之巢車其義本此更漏之節本李衛公軍城  
之制旦暮鼓千槌以三百三十為一通周禮鼗鼓旦暮  
是也角聲三疊乃曹子建所作其曲曰為君難為臣亦  
難為臣難難難創業難守成亦難守成難難難難起  
家難保家亦難保家難難難今角聲之鳴嗚然者難  
字之曳聲也袁州譙樓崇祀神主李同知瀚以為袁天  
罡侯同知世屏以為袁京攷嘉定志並無天罡姓名不

解何時差悞至此第已祀奉多年姑存之至譙樓府志  
載為南唐劉守仁贍所作此又注為宋守滕强恕建恐  
亦有悞

常平倉

在昌黎堂西計六間 國朝乾隆二十四年  
知府陳廷枚修仍舊名永豐倉額租四千石

永豐倉

舊在府治西北三十步明宜春知縣陳宗虞改建  
府治南繡衣坊即三登坊萬歷四年知府鄭惇典  
修建倉廩六間後毀 國朝知府吳南岱重修後  
改建府治東迎曦樓之左提學公署舊址今毀

提督學院按臨行署

在府治東南宜春臺後舊為嚴氏南  
府因籍沒入官改為兵備道署嘉靖

未闌東流賊雲擾臨吉開議擴軍器局址創建公署移  
吉安兵備鎮守盜平復移吉安 國朝道缺奉裁改為  
督學考棚故今亦呼為兵道司康熙四十五年宜春知  
縣江為龍請定宜分萍萬公同修理乾隆十年知府程  
文華檄四邑重修兩廡席舍棧門覆以瓦屋二十三年  
仍舊公修五十三年萍鄉封宜人陳氏命其子貢生文

守元捐修內署併建南北兩舍考棚尋圮嘉慶十一年  
宜奉分宜二邑與萬載貢生李以正合修正署內大堂  
及兩旁中道站亭左右科房轅門圍牆等處後  
宜奉貢生劉錦陞捐建頭門外雨亭左右甕門

**考棚** 在督學公署內嘉慶十一年改建署東偏左右兩  
廊上下二棟中為甬道宜奉縣 文昌宮與賢祠衆建

官廳及寅字棚職員蕭聲清獨建申字棚洋鄉縣衆建丑卯未

戊字棚職員蕭聲清獨建申字棚洋鄉縣衆建丑卯未  
酉四棚併頭門二門萬載縣鄉孟福獨建辰字棚貢生

李以正獨建巳字棚貢生劉崑獨建午字棚幸姓大  
祠合建亥字棚知府鄭鵬程記

**協鎮副總兵署** 在城東枕宜春臺北向 國初置協無公  
署貨居民舍康熙十四年總兵趙應奎率

台營官兵捐買民屋鼎建自外及內屏牆圍垣柵欄東  
西轅門旗竿吏鼓亭二座官廳一楹頭門一棟二門一

棟并東西過廊站亭一棟東西文案房大堂一進二堂  
樓屋一進并站亭東西過廊堂後有迴廊署內東邊在

屋五進頭進是樓屋後有過廊三進有廂房西邊土地  
祠一棟花廳一棟書室三間涼亭二間箭亭一棟射圃

一所馬廐一所乾隆元年副將李登科十三年副將陳  
益先後重修二十年副將田遜復加完整三十二年副

將薩那阿因東邊第四進倒塌改造二堂後廡屋六間  
四十四年副將阿克冬阿因東邊第五進倒塌改造花

廳書室三間涼亭二間四十六年阿副將復借動廉銀  
修理文卷房宅門二堂大堂頭門五十五年副將塔克

慎詳動廉銀扣半重修六十年副將樊  
雄楚詳動廉銀扣半復修官廳花廳

**中軍都司署** 在協鎮府西康熙二十四年合營官兵捐建  
後都司張學純修雍正十三年都司張薰重

修額其堂曰忠愛乾隆元年都司李大綱修葺扁曰政  
平紀肅二十三年都司官德齡重修額以謹齋嚴肅三

十九年都司王格復修額曰肅兵清餉五十二年都司  
得勝保額以心存君國五十九年都司王朝璧加修扁

日中正和平署計頭門一進二門一進廂房二間大堂  
一進左右廂房二堂同任室一棟東邊辦公所一進西

邊箭亭一所射圃  
一所馬廐一所

**千總署** 在協鎮府前小北門內北向康熙二十四年副將  
梁鶴捐建乾隆三十八年千總鮑忠祿修葺五十

二年千總查定朝重修嘉慶二年千總徐鳴鳳購  
買地基增建一所道光二年千總汪鳳翥重修

把總廨 在小教場東偏

大教場 在宜陽門外一里臺一廳一明景泰七年建立  
國朝乾隆二十三年副將田遜增建後廳及鼓亭

二所買民  
基擴馬道

小教場 在宜陽坊報恩寺西偏順治年間建中為演武亭  
左右兩旁建營房六十間又自雲峯巷起至淳化

坊止營房  
三十七間

### 裁廢各廨署

布政分司 舊在府治南明知府何澄改  
建知府劉懋王俊重修以廢

按兵備道自明至乾隆元年皆掛布政使司參議銜稱  
分司此云在府治南明係提督學院行署嘉慶丁卯新

建考棚擴基挖有筒瓦黃綠色不等俱鑄篆文嚴氏南

府四字始知舊為嚴氏宅籍沒改為行臺

察院行臺 在府署東舊為廉訪分司明知府劉  
伯起徐璉范欽鄭惇典先後改修

按廉訪分司公廨元達魯花赤正議總管少中推官孟

承務率僚吏士民修建正廳三間泮水三間崇節堂三

間霜清堂五間泮水五間正門三間儀門五間雲生樓

五間景韓堂三間船軒一間過廊一間歲寒堂三間茶

亭一間西樓三間俯翠樓風月堂一座清風樓清心堂

一座不受暑堂一座亭軒四座及四圍牆堵刻石碑陰

在今府署儀門右

清心堂

在府治內虛舟堂後宋州守沈昭遠立趙資道詩云燕坐都忘塵慮紫小橋橫絕跨幽亭連漪

池面銀開盤滌蕩庭心玉展屏

崇節堂

在治內

景韓堂

在郡圃內舊名燕衍宋紹興中知州事陳煥改今名慶元三年州守高誨之重修黃鑰記

不受暑堂

在清心堂之西以多竹名舊名勁節州守高誨之立王師心易今名

歲寒堂

在治內

雲生樓

在治內

風月堂

在治內

俯翠樓

在風月堂之上

清風樓

在清心堂之上

船軒

在景韓堂右

茶亭

在歲寒堂右

西樓

在歲寒堂左

霜清堂

在治內

湖西道

在府治譙樓東明嘉靖十五年僉事周相建二十三年知府范欽重修

按湖西道即兵備道為布政分司攷前明湖西道有二一分守駐吉安一分巡駐臨江前既列布政分司在府

治南此在府治譙樓東擬為分守分巡兩道行署

貢院

舊在宜陽門外東湖旁內有公明堂宋州守江自任建後守趙發夫遷於府城內東隅錢文子記

司戶參軍廳

舊在府治西偏宋陳確建并記

老府

原嚴氏忠弼堂籍沒後改行臺即今西城內關帝殿

公館

舊在報恩寺後明嘉靖間知府范欽即僧室改建以寓賓旅

通判廳

舊在同知廳東面袁山北向明正德間通判錢士宜建

按府志既載此廳又載判官廳在判官巷即皇華館攷判官即通判其注判官巷明在同知廳東今刪并為一

綠陰亭

在倅廳唐盧肇袁皓俱有詩宋王欽若布衣時有記

雙桂堂

舊名愛日在廳之西

雙清堂

舊名落梅

光霽堂

在廳之東通判陳應庚建

壺天

知魚亭

在後圃之池上

雲錦

舊名三友在知魚亭對

淨植

在知魚亭東南宋通判潘傳立有記

瓢泉

在圃西

風篁泉石

通判潘傳立

嘯咏堂

華瑞

在堂左後後名仕學

直節

在堂右後名若敬

泛絲臨池亭

在圃內

聽雨閣

在圃內

芙蓉逕

由廳前入圃之路

推官廳

舊在城內西街南推官錢如川開路南通鳳凰臺名依蓮坊

按府志既載推官廳注舊在城內西街南又載司理院

注在譙樓外街之南攷司理即推官又稱司李其注在

譙樓外街之南明在青石街即城內西街今刪并為一

司理廳

在院中

明允堂

弼教堂

清風亭

求益堂

陰德堂

在廳左廡宋紹聖中李冲元建

難禪閣

在廳左廡互見古蹟

靜虛

在難禪閣下

知事廨

舊在府正堂西南

檢校廨

舊在府正堂東南明嘉靖間知府季德甫建

司獄司廨

舊在府治前南唐刺史劉仁贍建

按府司獄司元置司獄獄丞各一人明止設司獄一人  
國朝因之此云南唐刺史建廨恐有悞第查此缺職官府  
志失載并不詳其何時裁革今祇錄及明代一人

稅課司廨 舊在府城北下水關嘉靖戊午裁

按府稅課司職官府志失考

秀江驛廨 舊在縣學右明洪武間知縣孫仕敏建後改東關知府鄭惇典修

醫學 舊在布政分司西明知府王俊立

陰陽學 舊在東湖西道前明知府徐璉建

算學 舊在西城外射圃亭側

僧綱司 舊在袁山門外崇勝寺側

道紀司 舊在宜陽門外崇福觀

宜化樓 舊在府治西元延祐六年路總管王禮建

旌善亭 舊在府頭門外右知府鄭惇典修

按明洪武初奉詔立凡民間孝子順孫義夫節婦書其實行揭於亭以寓勸善之意

榜亭 三十六間

頌春亭 朱州守滕強恕建

宣詔亭 州守滕強恕建

龍亭車 舊在府正廳後西

永積庫 舊在府正廳後東俱知府徐璉建

軍資庫舊在府治東宋宣和間州守辛炳建程如式記

舊遞運所在袁山門外

貴山鐵務宋雍熙元年置

### 宜春縣治

縣署在府治北南向初在東城內隋大業三年移於州之東七里宋紹興三十一年知縣胡安老始徙於城內之善政坊元季兵毀明洪武三年知縣仲時舉以舊址陞隘遷於府治北之開元寺廢基舊為本邑梁丞相袁璞宅即今治嘉靖己巳知縣凌汝志修 國朝初知縣陸柄謙建頭門三間康熙三十八年知縣張綸鼎建正廳

四十六年知縣江為龍修擴頭門為五間乾隆六年知

縣楊元生請項重修六房

正堂明洪武三年知縣仲時舉遷建歲久倒塌 國朝康熙三十八年知縣張綸鼎建乾隆五十一年知縣成元一重修名敬事堂嘉慶元年知縣黃河清修額曰觀我堂

節愛堂在正堂後 幕廳在正堂西俱明嘉靖二十四年知縣凌汝

志 庫房舊在幕廳後今在正堂後

六房在正堂左右 縣頭門國初知縣陸柄謙重建舊只三間局

勢狹隘歲久傾圮康熙四十六年知縣江為龍捐俸重修擴為五間視舊制深遠宏敞

縣儀門舊制與頭門相間咫尺地淺而偏江為龍重建與頭門埒

縣屏牆舊制亦近頭門江為龍重建徙遠五尺廣亦如之



延賓館

在儀門外西

申明亭

在頭門左

旌善亭

在頭門右即古彰善糾惡處

前代署廨

因革不一并存其名於後

勸書樓

舊在正堂前

不欺堂

舊在正堂西

平政堂

縣治正堂

思補堂

舊在平政堂後

涉目

延秋

正直亭

舊在縣治射圃中雍正十二年知縣張起文建

學道愛人

縣治中堂

忠愛堂

寒綠

俱在縣治內

無倦堂

舊在正堂後

讀書堂

舊在不欺堂後

縣儒學

教諭署

原在明倫堂左乾隆丁卯教諭周文勳訓導黃美重建庚戌邑衆捐貲改建于左中爲雨化堂

訓導署

舊在狀元祠前高士祠右雍正年間知府薄履青知縣楊元生于講堂後爲高士館乾隆二年

統歸訓導照管三十二年重修五十五年復改建于高士祠右

明倫堂

在東廡後乾隆十二年教諭周宏勳訓導黃美重建左爲教諭署即盧肇宅石獅尙存周宏勳

倡移門外并前臨江干之盧石皆爲修整三十二年教諭徐澄訓導楊遇亨督紳士重修五十五年合邑紳士復改建並儀門頭門

尊經閣

舊制久廢乾隆五十三年合邑紳士改建于文昌閣上爲樓二層額今名奉頌

御纂周易折中

部一

欽定三禮義疏

部一

欽定性理精義

部一

欽定明史

部一

御批資治通鑑綱目部一

上諭部二

欽定授時通考部一

欽定四書文部一

御纂日講四書解義部一

學政全書部一

欽定詩經書經春秋傳說彙纂部各一

藏書閣 明知縣徐栻建

神廚 康熙四十七年知縣江為龍修

神庫

膳堂

興賢樓

敬一亭

進德齋

育材齋

射圃 廣一百二十步袤三十步亭曰觀德

學倉

已上載前志今俱廢

典史廨 在縣正堂左

土地堂 今在縣署東偏馬號并祀馬王神

獄禁 在縣儀門內西偏六間明萬歷中知縣曹信重修

澗富巡檢司廨 原在集雲鄉澗富嶺與安福接界為邑東南阨要明萬歷六年知府鄭惇典建國朝順治十五年巡檢魏

胡順治十八年巡檢趙士元重修乾隆間移建南廟街今駐劄縣署右即主簿舊廨

黃圃巡檢司廨 在石裏鄉距縣百里為邑西北阨要明洪

映奎捐俸重建計正廳房屋共十間

裁廢各廨署

縣丞廨 舊在正堂左明天啟間裁

主簿廨 舊在正堂右今澗富巡司遷廨於此

稅課司廨 舊在石裏鄉明景泰三年裁

按水星鼎載黃宗昇於嘉靖間任此載景泰在嘉靖前其年號必誤

河泊所 舊在信義鄉明正統間裁

按河泊所職官府縣前志均無考

醫學 在縣治東湖西道

陰陽學 在布政分司西

僧會司 在袁山門外

道會司 在宜陽門外崇福觀

吏舍 舊在正堂右三十六間

榜亭 三間

附載縣治公所基地

一縣治頭門外東偏舊榜亭橫廊二間至耆民申明亭止又自亭而東酒亭二間至今林家店止原基橫計一十二丈五尺

一縣治頭門外西偏舊榜亭橫廊二間至鄉約旌善亭止又自亭而西宿鋪二間至今牢背巷官溝止原基橫計一十四丈

預備倉 在縣治東報恩寺側明萬歷知縣廉養貞修建後毀國朝康熙二十一年知縣王光烈奉憲檄捐

穀二十石二十二年捐穀二十石借貯僧舍

東倉 在城東十五里下浦市

西倉 在城西三十里薦外鄉浦田市

南倉 在城南三十里集雲鄉福田市

北倉 在城北三十里遷喬鄉下強村

水次倉 在北門外盧州西岸明知縣張本嘉建以貯南米已上舊倉今俱毀

常平倉 一在府治西偏計十間一在縣署東偏計五間國朝乾隆間知縣郭人傑重修俱各登瀛倉額穀

一萬六千石

社倉 分置各鄉村公所四十二處國朝康熙間知縣撫安世鼎酌行社倉良法刊示條約四則乾隆間知縣郭

人傑率民建立計穀六千五百七十一石八斗三升

廩保公所 在城南宜陽書院左側乾隆五十五年修縣學小廳一所專為合邑廩生縣府院三試保結諸童生及清查各弊而設一當考期外人不得居住在以侵職守至

間時雇人照管亦惟諸廩保承行外人亦不得混理

育嬰堂

在府治逆曦樓左原因溺女者多設立錢穀章程以濟貧民歷久漸廢國朝乾隆間署知府張五

緯倡宜春合邑紳士勸捐置有田租設首事經理立有章程事關風化因將各庄田租列後俾垂永久

修仁鄉竹山下庄田 竹羅勘下早田一十籬一坵 塋上早田二籬一坵 烏石公下早田四籬一坵 又早

田六籬一坵 羊田坑口上早田五籬一坵 羊田坑口內遲田三籬一坵 圳下秧田五籬一坵 圳上

早田四籬一坵 社下早田四籬一坵 塋背遲田十籬十坵 又西坑遲田五籬連二坵 塋上早田六籬一

坵 烏山落山紅坑遲田七籬 烏石公下早田五籬連二坵 薄刀坵早田十四籬一坵 籠裏早田六籬

連二坵 坑口早田五籬一坵 對門山下早田八籬一坵 圳下早田五籬一坵 老確場早田三籬一坵

烏石公下早田五籬連二坵 南頭坑遲田五籬連三坵 塋上早田三籬三坵 老人田早田六籬一

坵 又早田四籬一坵 已上每七籬合一畝共田二十三畝每年實收早租穀二百桶遲租穀二百桶

薦外鄉西村等處庄田 石角田五十五把七坵 西埔山十把二坵 長坪十五把一坵 又五把一坵 又十

把二坵 茶樹坪二十把 一坵 橋邊長二十把 一坵 藤頭六十把 二坵  
 新塘下三十把 二坵 一百把 六坵 臺立下四十把 四坵 皂角樹下十把 一坵 麥土十把 一坵  
 樓下屋背十五把 一坵 山十把 一坵 窰前二十把 一坵 株木塘下三十五  
 把 二坵 三義塘下二十把 一坵 漢塘下七十把 五  
 坵 又十把 一坵 秧塘三十一坵 又十把 一坵 農菘上三十六把 二坵 又  
 十五把 一坵 又十五把 一坵 農上四十五把 一坵 又十把 一坵 又十把 一坵 又十五  
 把 一坵 又五把 一坵 又十把 一坵 又十把 二坵 農裏七十五  
 把 二坵 陶家門首六十把 五坵 又十把 三坵 土  
 把 一坵 又十把 一坵 牛路十把 一坵 又十把 一坵 又十五  
 把 一坵 窰泥埭上二十把 四坵 佛力上遲田二十  
 五把 一坵 泉眼坵十五把 一坵 長坪十把 二坵 又  
 四十把 二坵 王家山二十把 一坵 迎賓坵三十把  
 三坵 大十把 一坵 長坪嘴上一四十把 一坵 泉下五十五  
 坪十把 一坵 壽托坵二十五把 一坵 泉下五十五  
 把 一坵 又四十五把 一坵 又十五把 一坵 又八十把 一  
 坵 又長八十把 一坵 已上共民田七十畝 每年收租穀

八百七十四桶 臺力上筒車水共十一番 內管  
 半上下身塘蔭注 新廳下屋一棟 屋後晒坪一塊  
 集雲鄉梅州楊柳坵庄田七畝 又山二塊 八畝 五  
 分 每年實收租穀二百四十桶 屋棟管半  
 信義鄉上石公原裏庄田門首灣坵一橫三坵 又門前  
 山下遲田第四橫四坵 又上屋門前早遲田井邊十坵  
 蟻子路下二坵 路上二坵 第一坵 秧田三坵  
 楓樹下十二坵 水遲口一大坵 水碓下大小九坵  
 菴前下土田三坵 井邊第二橫二坵 磅福境大小  
 二十二坵 茅坪下長坵早田一座 園下井中間二  
 坵 楓林境遲田三坵 井邊橫境遲田第四畝 四坵  
 又中畷易姓下井邊遲田四坵 又第四大坵 一坵 杉  
 山境頭上五坵 門前第二二坵 墩下第二四坵  
 塘境一帶大小八坵 菴前隴上早田四坵 泥境遲  
 田三分三坵 陽泥塘早田口上右邊一帶落宕大小  
 十一坵 門前一畝 勘下早秧田長坵一坵 楓林境  
 遲田左邊大小十七坵 右邊路下早田第三橫長坵一  
 坵 又第三橫早田大坵一坵 又第二橫早田長坵一坵  
 又第二橫路上一坵 大富裏遲田一畝 十二坵 至山  
 尾 茅坪裏下一坵 泥境遲田五分三坵 上中畷六

坵又中殿七坵下殿十七坵 井下早田二畝相連三

坵 窰仔上早田一畝四坵 蟻子坵早田一畝上一

坵中間一坵又下一坵 七畝裏早田一畝三坵 門

前港遲田一坵并水池共五坵 曾家源坵三分天字

第五股大坵上一坵下二坵中段二股相連二坵頭上

第一股大小共八坵 小橫坵瘠田更相連大小共七

坵 邊一股早田上橫坵上一坵又落脚早田一坵已

上共田二十六畝每年實收租穀三百桶 前後左右

樂林竹木山場空基魚塘并新老二廳

俱五股管一又屋四間倉屋并倉一間

薦裏鄉坑西屋背田一百二十把四坵門首田八十把

一連二坵俱大塘泉水蔭注已上共田八畝每年交租

穀一百 零八桶

歸化鄉下浦市馬頭上店房一棟並地基每年收租錢

二千文

集雲鄉梅州唐家陵庄田門首田一坵并田坵上竹木

等樹 青山田一坵 芋仔坵田一坵 梯仔坵田一

坵 屋一棟四扇三直併兩邊厝屋以及牛欄猪欄灰

寮在內 楊柳坵屋後山一障已上田共八畝五分五

釐每年實收租 穀二百五十桶

薦外鄉上石背螺江橋大園土二處庄田 社下早田

三十把一坵 其家屋背車上早田四十把 一坵又早

田四十把一坵 二坵又早田八十把一坵併土 小湖早田

三十把一坵 橫墘早田十五把一坵 棚門前早田

十五把一坵 又五把一坵 橫墘早田三十把一坵

隴裏早田六十把一坵 過路坵早田二十五把一坵

長坵早田二十五把一坵 犁嘴坵早田五十把一坵

黃土坵下早田十把一坵 靴坵早田三十把一坵

草坪早田二十五把一坵 油榨下早田四十把一坵

山下坵早田五把一坵 黃土坵下早田二十把一坵

南湖園早田四十把一坵 檀樹岩下早田四十把一

坵 嶺背楊梅塘連共二百一十把二十一坵 長塘

瓜遲田三十把二十五坵 鴨公塘遲田三十把一坵

又遲田二十把二坵 棕木橋遲田二十把一坵 冷

水坑早田二十五把三坵 同處早田七十把三坵

台力上早田三十把四坵 沙坵田三十把一坵 祠

樹下早田十把二坵 大路下早田七十把三坵又早

田十把一坵 柑子坡早田二十五把二坵又早田十

五把一坵又早田十五把一坵 栗山下早田十五把

一坵 鶴形早田二十把二坵 火烟口早田五把一

坵又早田十五把一坵 南埔下邊田二十把一坵

坵背早田十把一坵 同處早田十把一坵 大園土

早田三十五把二坵 大路早田十把一坵 大路

下早田十五把二坵 店仔門首早田五十把二坵

葛布塘五十把一坵 高勒下早田二十把一坵 店

仔門首早田二十把一坵 嫩菜坡早田二十把一坵

馬家隴早田二十把一坵 大塘尾邊田六十把一坵

窪前邊田十五把一坵 湖家車筒車二把內管一番半

沙坵早田五十把三坵 大塘尾邊田六十把一坵

土屋一棟四扇三直右邊厝屋四扇三間左邊厝屋一

直二間并前空基圍牆右邊厝屋後灰寮一只及地基

在內又菜土一塊又桑稅一畝已上田一千七

百五十把計七十畝實收議租穀七百五十桶

歸化鄉彬江河背庄田 河背樹下早田一畝五分計

二坵 壇前田五分一坵 上河背早田一畝一坵又

早田一畝五分一坵 確陂上早田五分一坵 確屋

背早田一畝一坵 破港裏早田二分五厘一坵 黃

花洲早田一畝一坵 塘背早田一畝二坵又早田一

畝二坵 屋背一畝一坵 又早田一畝連二坵 竹山

背田二分五厘一坵 老虎坵一畝五分一坵 祖堂  
背一畝二坵 河背一畝一坵 又十五把一坵 欄脚  
陂田三十把九坵 安長坵五把一坵 弓背上早田十五  
三十把一坵 萬家墓十五把三坵 鍋形裏早田十五把一坵  
把 已上共田二十一畝零二分五厘實收早租穀二百五  
十二 桶

**普濟院** 在袁山門外下水關專為孤老而設明洪武五年

萬歷間知府鄭惇惇典署府同知陶之肖重修後知縣周

應偶全修為製碑文于甬道中明末盡毀 國朝康熙

五年知府李芳春署縣事鄭 幸查復舊基重建李芳春記

**養濟院** 在袁山門外上水 關專為乞丐而設

**附載** 公署

京城袁州會館

在北京正陽門外東草廠第七條街衛衙坐東向西瓦房一所計四層大小房十五間

前後至街南牆緊連南安會館原係前明四邑公建至明末兵變失業乾隆九年邑紳袁芳松任內閣時因尋

帝里春臺舊額乃復故業倡率四邑官紳及士庶衛丁等捐買重建

京城三縣會館

在北京板章衛衛道光三年宜春分宜萬載三縣共買大小房屋并店屋三棟計八

十餘間價銀二千五百兩宜春出銀九百兩

按嘉定志縣宇有公廨洪武三年奉朝廷頒降成式建

於府治之北仍建官吏住宅於縣治內之後並左右焉

永豐倉一所行用庫一所惠民藥局一所府前館驛一

所存恤院一所在城內外申明亭五所平易堂在廳之

東北窻第一香天開錦幄望江樓並在縣圃照沙在望

江樓之下今改為皆春壺中熙然應蘭並在縣之後尉

司在東關之外米倉在縣宇西廊黃圃倉在黃圃寨縣

歲撥米六百石巡檢司主之錢庫在縣廳之西土軍額

一百人吉袁州都巡檢寨在城北門外二里土軍額一

百五十人內在寨一百十六人分撥白斜寨三十四人

縣教場在尉司之側明以後府縣志俱未載今補附於

此



宜春縣志卷九

書院志

工居肆以成事士居學以精業藏修息游必有其地郡城昌黎書院祀韓文公宜陽書院祀宋五賢見理學淵源之自外此鄉隅家塾名跡可考者亦不少邑人士倘有景慕前賢之思當存修舉廢墜之念矣志書院

昌黎書院在宜春臺下昔有韓文公祠在府學講堂西明初巡撫都御史韓雍知府姚文移建今址知府王炬續成之學士錢習禮記嘉靖己酉知府劉廷誥知縣徐枋修匾曰昌黎書院增建原道閣以課諸生歲久漸傾萬

歷間知府鄭惇典復修增屋三楹以備庖烹四十一年知府汪若冰修萬載彭自新記春秋致祭編門子一名司香火明末鞠爲茂草

國朝康熙四年九月守道施閏章知府李芳春同知孫席慶推官鄭燭捐貲重建祀位如舊選四縣生童之秀者肄業其中邑進士袁繼梓共襄其事詳鄭燭記八年知府李芳春清查本邑無主荒田一十二頃三畝五分八釐六毫自爲學田科舉二記歲久朽壞雍正年間知府薄履青重修並經紀膏火乾隆十六年知府楊暹詳請將書院學田餘租銀兩修補廳樓頭門添建橫屋一棟

三間於左每年春仲奉檄行所屬諭生童報名造冊送考取錄委府縣學教職兼司訓迪於歲徵餘租銀內酌給諸生膏火二十四年知府陳廷枚計歲額餘租優給生童膏火尚聘名宿爲山長倣豫章白鹿規條詳請布政司湯聘轉詳巡撫阿思哈批允四邑生童來學者倍往時皆選拔其尤送院肄業宜春紳士於院左側構屋一所計六間顏其堂曰四宜三十二年署知府盧崧復加修葺自後屋宇全毀嘉慶十五年知府鄭鵬程知縣龔景沆率邑廩貢生劉培莊重建文公祠及講堂上下二棟兩廊左右書房工未竣卽解任去署知府朱浩董

其成萍鄉合邑建頭門三間十六年萍鄉布經歷職李逢滄布理問李逢濂兄弟於講堂稠坪階下右偏捐建書屋一棟道光二年分宜州同職張申祿於講堂左偏捐建書屋二棟

學租原額荒熟田一十二頃二畝五分八釐六毫乾隆十五年署知府黃增歷奉清查檄經歷李芝芳照磨周兆泰丈過荒熟田土塘基十一頃六畝五分九釐四毫較原額增田一畝八分四釐八毫基地一畝一分六釐均係各鄉佃民釐毫積成免其升科十六年知府楊暹詳請應徵額租一千二百二十六石五斗六升四合四

勺每石折銀五錢外土租銀一兩六錢六分八釐三毫共折銀六百十四兩九錢四分七毫五絲除納糧外實餘銀四百九十九兩九錢五分零嘉慶十一年內奉署藩憲檄飭增租穀價于每石增徵銀一錢五分今每石合徵銀六錢五分除完納錢糧兵米實在餘銀六百八十一兩六錢八分三釐四毫一絲五忽詳奉<sup>督</sup>撫二憲批准在案其院長不論本府外郡俱由府憲延聘每年四縣於開印後造冊送府考取正課定額生監二十名童生二十名每名每月給膏火銀九錢如於額外廣取正課是在當事作養附課生童無定額每月給膏火銀九

分按月考課三次分別獎賞超等上卷第一名給銀三錢餘二錢院長每年束修銀一百八十兩每年薪米銀四十兩監院在城府縣學輪當每年薪米銀四十二兩門役一名水火夫二名每年各給銀六兩學書每月紙筆銀三錢修葺書院添置器用之需均於租銀取給每節年造冊申府藩二憲存案除核銷正額之外倘有不敷四縣公攤捐墊

宜陽書院在府城南朝真坊行宮寺左康熙五十年知縣江爲龍捐建前後一棟各五楹中爲墀上棟爲五賢祠祀宋周程張朱列六子置買田租三百四十桶五十九

年知縣莊令翼續置田租二百九十三桶除納糧四兩六錢九分八厘米三斗六升外僅足供院長束脩膏火及火夫薪水銀兩之資道光二年知縣程國觀捐廉助諸生膏火獎賞並倡率合邑紳士捐助田租額定生童正附課名數設立條規章程詳報撫憲立案又以其地狹隘卽西城三官殿基改爲書院前後兩棟後祠五賢前爲講堂又添建左右書舍共二十間監生蕭榮詔等監修前列門樓二重前後圍土計十餘片原書院屋基改爲三官殿

條規章程

一舉本邑殷實紳士二人爲首事輪年分管收支銀兩之事另派本邑廩生二人同管發給膏火及書院一切事宜立收支銀簿二本蓋以縣印輪交經營首事註明支銷數目次年又派廩生一名協同舊辦廩生一人接管以後一新一舊交代管理各按該生補廩先後輪派年終課畢交禮房造具清冊送縣核銷

一書院老師須請本邑進士舉人昂學兼優者聽從十三鄉四隅紳士按照科分公議稟縣出名聘請不由官薦並不得聘請他邑人士以致往返間斷有名無實

一書院老師合邑公請務在院居住以便講習督率若不能在院居住者十三鄉四隅首事公議請換束修按月扣送

一監院老師輪請本學兩齋常川書院查察約束肄業生童

一每年正月由縣甄試分別取錄生監正課十六名童生正課二十名附課不定額數

一生童正課每名月給膏火銀一兩二錢附課不給膏火正課生童均須在院居住不住院者膏火減半每年不計閏總以十個月爲率每過一月由禮房將應發膏火獎賞數目開單交管事廩生向首事領銀當面發給如

有曠課及降罰者照數扣除

一 生監超等第一名童生上卷第一名各獎賞銀三錢以

下各二錢超等上卷不得過五名生監特等各獎賞銀

一錢特等不得過八名

一 書院房舍先儘正課居住有餘者仍准附課居住每間

大者二人小者一人各給半棹一張椅一把不敷者自

備未取錄者不准住院並不准攜帶家童以致作蹋房

屋

一 生童回家除五月初二八月十六兩日停課仍給膏伙

外其餘告假歸家每曠一課仍扣膏火六錢三課不到

者降為附課三次下等者亦降為附課即以連考三次

優等者陞補以等第名次挨補如無其人即以連考二

次一等一次二等者升補再無其人以連考二次二等

一次一等者升補錄舊雷同與不在院作文及次日交

卷者不列榜初次不列榜罰停本課膏火銀六錢再次

不列榜降作附課仍罰本課膏火冒名頂替者逐出不

孝不翁包攬詞訟酬酒打降賭博宿娼抗糧等情凡有

乖行止者逐出究治

一 每月初二日官課本縣親詣書院點名扇門發題堂課

生童皆給點心茶水本縣捐資給辦每月十六日老師

堂課一例肩試

一 生童每月二課外初六十二二十二二十六等日仍聽掌院老師出題或制義或策論詩賦經解爲私課不必出榜

一 朔望諸生童隨同老師詣五賢祠行香畢諸生向老師稟揖隨時聽講

一 書院墻屋器具遇有損壞該管廩生請同首事估看發銀修補所有物件造冊二本蓋用縣印一交監院存查一 交管事着門子時時查點有失去者着門子賠補生童自壞者生童自修

一 書院係三官殿改建今以宜陽舊院改爲三官殿仍移請神像佛像供內并招還舊住三官殿僧人住持每年由書院撥給香燈飯食銀二十四兩交該僧人伺奉香燈

一 每年二月初一日啟館本縣親詣書院五賢祠祭祀後行啟館禮設酒席四筵除經營首事及捐田人子弟家各一人外正課生童前五名亦准與席

一 支銷數目定規開列簿頭該廩生照數支銷扣贖一併存記

一 撫憲程月川中丞頒發教士告示繕刻恭懸講堂俾

諸生隨時誦讀共相勸導

一現在膏火額數以經費不足只定正課三十六名將來經費寬餘儘可加增

一現在十三鄉四隅通行捐輸所有甄試考取正課仍按各鄉人數均派取錄以昭公允

一生童正課在院居住倘有事故出外者稟明監院限定日期無事不得出外俾得潛心純養如違聽監院戒飭不聽者扣除另將應升之人升補

一書院爲肄業之地理宜肅靜如有游手閒蕩之人及賣貨者擅入該門子立即攔阻有不遵者稟監院送縣責

懲

一書院設立門子以司啟閉准以二炮爲率即將院門封鎖將鎖鑰繳呈院長處俟次日清晨領出倘有不遵即將門子責革另派

一捐輸書院田畝銀數姓氏逐一開列刻石豎立西廊以彰善舉

一各鄉輸銀均自交書院首事收入號簿仍給與書院圖記收票存查核對

支銷銀數

一每年掌教束修銀八十兩 蔬米銀四拾兩 聘金銀



肆兩

一每年監院與馬銀貳拾兩

一每年管事廩生銀每名拾貳兩二名共貳拾肆兩

一考取肄業生童正課三十六名每月每名給膏火銀一

兩二錢每月需支銀四十三兩二錢十個月應支銀四

百三十二兩附課不支

一生童一月兩課超等每取五名上卷五名生監超等第

一名三錢餘二錢上卷第一名三錢餘二錢生監特等

八名每名一錢每課共獎賞銀三兩一月兩課共銀六

兩十個月六十兩

一書斗紙筆銀十兩

一門子工食銀每月五錢一年共六兩

一爨夫二名每名每月三錢共銀七兩二錢

一開館酒席銀五兩

一院內五賢祠祭祀香燈銀八兩

一支給新移三宮殿香燈銀二十四兩

以上共支銷銀七百二十兩零二錢

捐助田租

康熙五十年知縣江為龍置買田租

十里山檀官窰早田四百八十把共二十四畝計二十  
六坵東西俱至楊姓田南至路北至陳姓田為界塘

下運田二百把共十畝計一十四坵東西北俱至晏姓  
 田南至陳姓山為界 又坑塘一口小塘一口共三畝  
 七分 已上通共田塘三十七畝七分歲收額租三百  
 四十桶除牛租外實收三百一十桶庄屋一所後山一  
 障右至媽蝗塘左至本田為  
 界山鈔二畝收入南隅二畝

康熙五十九年知縣莊令翼續置田租

袁山背暨壇前田租增下田五畝計四坵 蘆茅塘下  
 田二畝計十一坵 沙予江田二畝計九坵 土佃田  
 二畝計三坵 增下田二畝計一坵 窰背窰口上田  
 一畝七分計一坵 窰膠上田一畝計二坵 窰背山  
 窰內田一畝計一坵又一畝二分計一坵 自泥窰田  
 三分計二坵 窰背窰山脚田一畝計一坵 又脚  
 上田八分計二坵 已上通共田二十畝歲收額  
 租二百九十三桶除牛租外實收二百六十九桶

續捐田畝

道光二年遷喬鄉顯親里三畝例貢生周汝衡同姪監

生培慈遵父附貢生嘉槐遺囑助捐田租

夏家坊小原田四十担 南十田一畝七担 山石坑  
 四十五担 狗梅陵二十五担 社山下十八担 泉  
 山下十二担 長坑十担 門首十担 牛形陵五担 羊梅坑五  
 担 黃土坑十担 背十二担 長坵十担 馬鞍嶺十担 獅形背十九  
 担 牌樓下二担 已上共民田三十畝二百三十八  
 担 庄屋一棟前至路後至滴水左至路右至彭姓住  
 屋墻 寫樓屋一棟內途中前一半併雙合門一邊后  
 至滴水左至出入大路右至夏姓屋墻所有進出路途  
 任從書院佃夫出入夏姓無得阻滯 寫樓下有牛欄  
 二只柵木俱全 又寫樓屋一棟內途中直上后一半  
 前至書院屋后至滴水左至出入大路右至夏姓屋墻  
 錢家坊漢塘早田二十把半二坵 榨坵早田十把一  
 坵 塘隄下早田十把一坵 淡下遲田十把一坵  
 塘仔下早田四十五把五坵 社前早田五把一坵  
 荷葉塘早田二十把一坵 社前早田三十把一坵  
 門首塘填下早田五把一坵 門首早田十把一坵  
 李塘早田十把一坵 對門五把二坵 錢家門首早

同十五把一坵 李子塘放水蔭注  
已上民田十畝五分一百九十七把半

佈上柵門前四分一坵 公墓嶺三分一坵  
遲田五分四坵 佈上早田三分一坵 小境早田一

分一坵 小境口早田一畝三分四坵 新塘下土一  
畝一大塊 又二分一塊 柵門首土四分一塊 新

塘下土三分一塊 水埠口土三分一塊  
已上民田二畝九分花土田二畝二分

已上三處共田四十五畝六分計租七百一十桶半外  
上租錢一千文

### 道光二年詔仁鄉茂才里監生張雲衢同姪涵琴遵父

#### 職員學義遺囑助捐田租

南壩里上港早田一畝八分四坵上下塘蔭注 中港  
早田二畝三分零五釐四坵禮辰塘蔭注 柵下早田

五分一坵禮辰塘蔭注 官園門前早田一畝五分四  
坵禮辰衆塘亞塘蔭注 泉出口早田七分一坵樟樹

塘蔭注 上邊早田九分二坵樟樹塘蔭注 柵樹下  
早田一畝二坵 柵下門前早田二畝五分三坵大塘

蔭注 大塘口下早田一畝三分五釐一坵大塘蔭注  
大塘根上早田一畝五分二坵柵樹塘蔭注 城墻下

早田一畝五分一坵塘管一半 深坵立早田一畝一  
坵波水蔭注 柵樹下早田一畝五分一坵 佈里下

早田四分一坵 大土腦頭土一塊三連 石嘴頭早  
田一畝五分一坵 壠立早田二畝二坵筒車水蔭注

官園門前港早田一畝二分一坵 菴背早田八分一  
坵 官塘早田二畝一分三坵 柵前早田一畝三坵

歷來車黃家塘水蔭注無阻 官園裏河下港早田一  
畝二分一坵筒車水四股管一 張家塲門首早田一

畝二坵 彭家屋背早田一畝七分一坵彭家塘水蔭  
注 張家塲門首塘四分 猴兒洞早田一畝二坵又

早田二畝五坵 官塘下早田五分一坵 中港早田  
八分一坵禮辰塘蔭注 已上共田三十五畝三分塘

四分土一塊實收  
租穀六百零二桶

道光三年化北鄉興西一屆邑庠生易煥謨遵父樹衮

遺囑捐助己名下田租

遺囑捐助己名下田租

牛路上早田三十把係上一坵 楓樹下早田二十把  
 一坵 新塘填下早田十五把一坵 林家門首早田  
 二十五把一坵 林家門首早田二十把係上一坵  
 小境早田二十五把一坵 樟樹下早田十把一坵  
 雷公廟前早田二十把上下二坵 小境口早田二十把一坵  
 田三十把上下二坵 易家塆下遲田五把一坵  
 家塆下遲田二十五把一坵 易家塆下遲田五把一坵  
 坵 宕立下遲田十把連二坵 高登坪早田六十把  
 大小連五坵 青管塘下遲田十把連四坵內管五把  
 已上田十五處俱青管塘水蔭注 松樹窩遲田四十  
 把十一坵 水埠口早田三十把一坵 鷺口坵早田  
 四十把一坵 已上二處田係木開車筒車水蔭注  
 松樹窩土塘二十把內管一半併捐任從宜陽書院  
 注他人不得放注青管塘五十把一坵內管廿五把併  
 捐 已土民田十四畝二分土田三  
 畝塘一畝共額租二百五十八桶

道光三年化北鄉與西一箇監生易在恢在愷遵父邑  
 庠生煥謙遺囑助捐田租

林家門首早田三十把一坵 林家門首早田二十把  
 一坵 林家門首早田十五把二坵 楓樹下早田十  
 五把一坵 牛路上早田下三十把一坵 新塘邊早  
 田上十五把一坵 中江裏早田十五把一坵 井宕  
 裏早田二十把併塘左右共五坵 坪裏早田十五把  
 一坵 小境口早田十把四坵 坪裏早田五把一坵  
 易家塆下遲田十五把一坵 喉管塘遲田十五把二  
 坵 犁嘴角遲田三十把一坵 易家塆填下遲田五  
 把一坵 擲下早田五把一坵 荷花形遲田十五把  
 一坵 已上十七處之田俱係青管塘塘水蔭注 麻  
 園裏早田二十把併塘二坵 神潭裏早田二十把一  
 坵 神潭裏早田十把一坵 視田裏早田三十把三  
 坵 台立下早田二十五把一坵 木開車筒車水一  
 我半蔭注 青管塘五十把一坵 內管十把併捐 已  
 上民田十二畝四分土田二畝八  
 分塘四分共額租二百二十八桶

道光四年石外鄉神西二箇監生李濟川捐助田租

趙家塘門首屋側梅子樹下併板坵早田五十五把計  
 二坵上至仁學從入婁二田下右至熊五田左至圳

第五第八圳水共二爪陰注 斗廣窩早田八十把計  
入坵上至委二時九旁一田下至歐十仁學田右至歐  
十叔八田左至山脚 芋立窩遲田二十五把計伍坵  
上至應乾田彭姓土下至谷二歐十田右至山脚左至  
委二田歐十土 宗和田早田六十把計一坵上右至  
歐十田下至彭姓田左至大路 彭姓坵早田四十把  
計一坵上至路下至河左至永宗田右至熊五田 風  
蹄境遲田三十把計三坵上至委二仁學田下右至熊  
五田左至棚 石頭窩遲田六十五把計十二坵上至  
彭姓田下至委二田左右至山脚俱係起水陂圳水蔭  
注 又棚下早田一百五十把計十坵上至李姓田下  
左至深李二姓田右至李姓山係新陂坑圳水蔭注  
以上共田伍百零五把  
收額租二百一十五桶

道光四年善和鄉名教耆鄒孫氏同孫光華捐助田租

一處社前早田二十把計一坵 一處臺上早田十五  
把計一坵 一處臺上早田五十把計一坵 又蔭塘  
十把計一坵 一處蔭塘尾早田七把計一坵 一處  
社背早田十把計一坵 一處嶺上早田十把計一坵  
一處上塘水網下遲田拾把計一坵 一處塔灌坵遲  
田十五把計一坵 一處山背魚塘六十把計一坵  
以上田塘二百零七把計十畝零  
三分五厘共收額租一百二十桶

道光五年集雲鄉親仁耆職員施景桃同男舉人燦為

祖母丁氏捐助田租

馬王塘下田一畝八連坵下土一塊 田坵下小田連  
二坵搭坐向有邊山下田連共二坵共計六分 火梅  
坵下田一坵連葫蘆坵田一坵共計一畝 團坵田一  
坵二分高坑上土一塊 火梅坵上第三坵田三分  
半邊宕田連共二坵搭橋頭小田一坵共計二畝  
笋宕下田一坵三分 大江邊河下田一坵四分  
方坵田坵下直上連二坵共計四畝二分 以上  
共計十畝零八分共收額租一百六十二桶

高士書院在北門城外縣學右萬歷癸巳提學錢檣建自  
為記專祀鄉賢袁京于內置祠堂五楹前講堂五楹兩

宜春縣志 卷之  
廡書房各十間門樓墻屋俱備自後修建不一乾隆五  
十五年修學就其舊址改建正廳一所并頭二門視昔  
稍隘知府林其宴有記

南軒書院在府城東湖上本南軒祠宋端平中州守彭方  
建元至元間路總管張熙祖重建集賢院學士虞集記  
久毀

張巖書院在城北獲富與萬載交界元邑人張千崖立有  
禮殿以祀先聖有祠以奉周程張邵司馬六先生張汝  
其甥萍鄉榮氏率族子弟就學焉虞集記久廢

按府志載萬載縣西今據伯生集江右古文選正之

秀江書院在府城西明嘉靖間籍巖氏產入官撫按允府  
議改爲書院課士卽五賢祠久廢

王公書院在府城東門外明侍御王相說建張自烈記今  
廢

曲池書院在善和鄉橫塘明郡廩生袁經訓建其裔孫監  
運判才嘉定守業濂鴻臚卿業泗布政司一鳳寶慶守  
一鰲進士繼梓起濤舉人業渠克昌芳杏輩皆讀書其  
中後圯嘉慶九年其裔孫 臻等遷建規模軒敞視昔  
有加南贛道廖寅題額裔孫錫光輯紀事有跋

六柳書院在橫塘明進士袁魯訓及其裔江督繼咸大理

卿芳松讀書處

夢莘書院在化南鄉泉塘貢生易嗣重建延蘇州陳懋德

後任江西巡撫主講凡遠方來學者悉予膏火吉水狀元劉同

升曾肄業其中題有問元君額旁構指巖書室臨川陳

際泰亦題有額後毀嘉慶丁丑其族絃聲後裔復興之

文昌書院在薦裏鄉魚龍

文鼎書院在薦裏鄉中溪乾隆甲寅彭程喬子孫捐建中

祀 文昌帝君

重桂義塾在化北鄉槎村嘉慶八年易姓捐建中祀

文昌帝君